

古  
文  
苑

古文苑卷第五

漢臣賦九首

劉歆遂初賦

杜篤首陽山賦

班固終南山賦

竹扇賦

馬融圍棊賦

張衡髑髏賦

冢賦

溫泉賦

觀舞賦

遂初賦 并序

劉歆 字子駿向之子漢書有傳

遂初賦者劉歆所作也歆少通詩書能屬文成帝召爲黃門侍郎中壘校尉侍

中奉車都尉光祿大夫歆好左氏春秋  
欲立於學官時諸儒不聽歆乃移書太  
常博士責讓深切為朝廷大臣非疾求  
出補吏為河內太守又以宗室不宜典

三河徙五原太守

詳見本傳時名儒光祿大夫龔勝以歆移書上躡乞

骸骨罷及儒者師丹為大司空亦大怒奏歆改亂舊章歆由是忤執政大臣為衆儒所訕求出  
補吏是時朝政已多失矣歆以論議見排

擯志意不得之官經歷故晉之域感今

思古遂作斯賦以歎征事而寄己意哀帝

之世權柄下移故歆思周晉舊事有所感傷而寓意此賦



昔遂初之顯祿兮遭閭闔之開通啟自言顯仕之初君門無

壅蹠三台而上征兮蹠踐也魁下六星曰三台即太階也入北辰之

紫宮北極環衛內曰紫宮人君所居象北極也備列

宿於鉤陳兮擁大常之樞極史記天官書中官天極星其一明者

太一常居也鉤陳紫宮外管陳星散為中壘校尉象鉤陳星擁衛宸極揔六龍於駟

房兮奉華蓋於帝側天子之駕六馬馬八尺為龍房星為天駟華蓋星在帝座

後法駕之蓋象之皆奉車都尉所職惟太階之侈闊兮機衡為之難

運侈闊言登進之涂雜賢佞不分故重機衡者為之難運機衡皆北斗星以諭政之幾要

之前後兮遂隆集於河濱以在帝旁為懼求遭陽

侯之豐沛兮乘素波以聊戾陽侯波神淮南子注陵陽

國侯溺水而死其神能為大波豐一作澧豐沛波之洶湧也言將之河內遭波神洶湧使已聊戾而莫前以

人言沸騰為已阻蔽得玄武之嘉兆兮守五原之烽燧玄武

之宿言得吉卜利北征也徙五原邊郡故言守烽燧二乘駕而既俟太守有副車僕

夫期而在涂馳太行之嚴防兮太行山在河內郡山陽縣西北縣漢京踰太行

至高都皆東行防亦關也入天井之喬關天井關屬高都縣歷崗岑以升

降兮馬龍騰以起攄舞雙駟以優遊兮詩兩驂如舞

濟黎侯之舊居壺關縣舊黎侯國也心滌蕩以慕遠兮迴高

都而北征高都縣屬上黨郡至此方北行故曰迴劇彊秦之暴虐兮

吊趙括於長平劇猶甚也文有劇秦美新趙括敗於長平卒四十萬人皆降秦二挾詐盡阮殺

之好周文之嘉德兮躬尊賢而下士騫駟馬而觀

風兮慶辛申於長子

劉向別錄辛甲事紂七十五諫不聽而去召公與語賢之告文王親

自迎之以為公卿封於長子長子音長短之長縣名屬上黨以上因歷周秦故境嘆其仁暴之不同

哀衰

周之失權兮數辱而莫扶執孫蒯于屯留兮

左傳

襄十七年石買孫蒯伐曹取重丘曹人翹于晉十八年晉人執衛行人石買于長子執孫蒯于純留為曹

故也屯留縣屬上黨屯音純

救王師於余吾

成元年晉平戎于王劉康公邀

戎遂伐之王師敗績于徐吾公羊子曰孰敗之蓋晉敗之也余吾縣屬上黨

過下虎

而歎息兮悲平公之作臺

晉平公作虎諸侯皆賀成虎祈地

名銅鞮縣有上虎亭下虎聚

背宗周而不卹兮苟偷樂而

惰怠

晉城杞子大叔曰晉國不恤宗周之闕而夏肆是屏怠叶韻平声

枝葉落

而不省兮公族聞其無人

叔向曰公室將卑其宗族枝葉先落則公從之

胙之宗十一族惟羊舌氏在而已豈其獲祀闕若鴟反易豐卦闕其戶闕其無人日不悛而俞甚

兮政委弃於家門又曰政在家門民無所依君日不悛以樂慆憂故因晉以傷漢也家

門謂六卿載約履而正朝服兮降皮弁以為履權目上借

君柄下移如冠履易位載加諸首也禮記載環十有二流音戴約當作約周禮履人注約著履之頭以為行戒

皮弁行禮之冠禮記皮弁日以眡朝寶礫石於廟堂兮面隋和而不

眡小人登用賢材見弃隋珠和璧以警賢才為國之寶面者背而不顧也項羽傳馬童面之眡與視同始

建襄而造亂兮公室由此遂卑憐後君之寄寓

兮唁靖公於銅鞮唁音彦弔生也又弔失國曰唁詩歸唁衛侯靖公晉之末君三卿分

晉靖公寄寓於銅鞮降為家人故怜而吊之銅鞮縣屬上黨以上嘆宗周衰微晉平不能嗣伯業以尊周室卒致晉

公室卑為三卿所滅越侯田而長驅兮河內懷縣有侯人亭左傳侯田

溫之別邑釋叔向之飛患叶韵平声遭悅善人之有救

兮勞邇奚於太原何叔子之好直兮為群邪之

所惡惡毀也賴祈子之一言兮幾不免乎徂落二

十一年晉誅欒盈之黨叔向之弟羊舌虎與焉於是

囚叔向祈奚聞之見范宣子曰夫謀而鮮過惠訓不

倦者叔向有焉社稷之固也猶將十世宥之以勸能者

今壹不免其身以棄社稷不亦惑乎宣子說言諸公而

免之奚晉大夫食邑於祈霍美不必為偶兮時有差

縣屬太原郡徂落死也而不相及楚詞兩美其必合兮注以雖韞寶而求賈兮

嗟千載其焉合論語求善賈而沽諸賈讀作價新序使昔仲尼之淑聖兮竟隘窮乎蔡陳孔子厄於

也

彼屈原之貞專兮卒放沉於湘淵

屈原遭讒去國

自沉於  
汨羅  
何方直之難容兮  
柳下黜而三辱  
柳下惠為士師

三黜曰直道而事人焉往而不三黜  
遽瑗抑而再生  
犇兮豈材知之不足

遽伯玉名瑗衛之賢大夫至獻公時凡再出奔  
揚我蛾眉而見妬兮  
固醜女之

情也  
曲木惡直繩兮  
亦小人之誠也  
以夫子之

博觀兮  
何此道之必然  
空下時而矐世兮  
自命

己之取患  
矐光旦反轉目視也方言矐目曰矐轉目顧視亦曰矐以上言遇合之難又見疾者

多以論己之出處  
悲積習之生  
常兮固明智之所別  
言積習所

生自微至著人以爲常易生忽心惟明智見微別  
於未然因過晉陽  
再申前意以見六卿專政之漸  
叔群

既在阜隸兮  
六卿興而爲桀  
左傳叔向曰雖吾公室今亦季

世也樂卻胥原狄續慶伯降在皂隸政在家門言八族皆晉之舊臣既降爲賤官於是祿去公室政在大夫趙無卹



范吉射智瑤荀寅魏多韓不荀寅肆而顓恣兮吉射

信六家也為晉卿逞其雄傑

叛而擅兵憎人臣之若茲兮責趙鞅於晉陽荀寅

士吉射奔朝歌春秋書晉荀寅及士吉射入于朝歌以叛趙鞅奔晉陽晉人圍之書晉趙鞅入于晉陽以叛事

並見定公十三年晉陽縣屬太原軼中國之都邑兮登句注句注山名

在陰以陵厲歷鴈門鴈門郡屬并州而入雲中兮雲中郡屬

州超絕轍而遠逝濟臨沃臨沃縣屬五原而遙思兮垂

意乎邊都已至五原留意邊徠野蕭條以寥廓兮陵谷

錯以盤紆飄寂寥以荒昞兮昞音勿猶冥漠也沙埃起而

杳冥迴風育其飄忽兮迴颭颭之泠泠薄涸

凍之凝滯兮第谿谷之清涼育倏也颭二動搖貌音占冷二風声音令薄傍

各反迫也蕪 漂積雪之皚皚兮涉凝露之隆霜

敷勿反披也 揚電霰之復陸兮慨原泉之凌陰激流漸之漉淚

兮凌音陵淞音斯風俗通積冰曰凌冰流曰淞滲音察凌音庚 窺九淵之潛淋

颭悽愴以慘怛兮憾風溲胡巧反 以冽寒獸望浪以穴

竄兮浪音狼望浪怖駭貌 鳥脇翼之浚浚浚與跋同伏也音遂 山蕭

瑟以鷗鳴兮樹木壞而哇吟莊子所謂地籟哇於佳反 地坼

裂而憤忽急兮石掬破之岵岵掬百鑿反岵魚咸反 天烈

烈以厲高兮廖瑋窓以臬罕勞 鴈邕邕以遲

遲兮野鶴鳴而嘈嘈望亭隧之皦二 兮飛旗幟

之翩二 回百里之無家兮路脩遠之綿絲以上述五

原景物 於是勒障塞而固守兮奮武靈之精誠趙武

靈王排羣目之議身胡服教民騎射以備邊事見戰國策五原故趙地也 據趙奢之策慮

兮威謀完乎金城趙奢趙之良將也嘗以堅壁破秦軍事具史記金城言守之固見賈誼策

外折衝以無虞兮內撫民以永寧既邕容以

自得兮唯惕懼於坐寒楚詞天問帝何竺之注竺一作篤坐寒猶言隆寒也 攸

潛温之玄室兮滌濁穢於太清反情素於寂

漠兮居華躰之冥冥玩書琴以條暢兮考性命

之變態運四時而覽陰陽兮揔萬物之珍怪雖窮

天地之極變兮曾何足乎留意長恬淡以懽娛

兮固賢聖之所喜亂曰魯語正考父校商之名頌十二篇以那為首其

輯之亂曰云云注篇義既成撮其大要為亂辭王充論衡讖書云董仲舒亂我書蓋孔子言也孔子曰師摯之始開睢之亂洋二乎盈耳哉亂者終孔子言也孔子生周始其本仲舒生漢終其末賦頌篇下其有亂曰章者蓋其類也

處幽潛德含聖神兮抱奇內光自得真兮  
寵幸浮寄奇無常兮  
奇讀為奇偶之奇惟奇故無常漢書李廣數奇寄之去

留亦何傷兮大人之度品物齊兮舍位之過忽若遺

兮  
此言在人者爵祿之位求位得位固其常兮  
此言在已者當處之位守

信保已比老彭兮  
論語竊比於我老彭

### 首陽山賦

### 杜篤

後漢文苑傳杜篤字李雅京兆杜陵人

史記伯夷叔齊孤竹君之二子也聞西伯昌善養老盍往歸焉及西伯卒武王伐紂叩馬而諫武王已平殷亂天下宗周夷齊耻之義不食周粟隱於首陽山采薇食之餓死

嗟首陽之孤嶺形勢窟其盤曲面河源而抗巖

融馬

曰首陽山在河東蒲坂華山之北河曲之中

隴埏隈而相屬長松落落卉

木蒙蒙青羅落漠而上覆穴溜滴瀝而下通高岫

帶乎巖側洞房隱於雲中忽吾覩兮二老時采薇

以從容於是乎乃訊其所求問其所脩州域鄉黨

親戚疋儔何務何樂而並茲遊矣二老乃荅余曰

吾殷之遺民者也厥胤孤竹作蕃北湄

胤嗣也漢地理志遼西郡

今支縣有孤竹城注故伯夷國也紂都朝歌孤竹在北

少名叔齊長曰伯夷

聞西伯昌之善救育年艾於黃耇遂相攜而隨之

艾班白也黃耇老人也詩黃耇鮒背孟子曰盍歸乎來吾聞西伯善養耆老者

北冀寄命乎餘

壽而天命之不常伊事變而無方昌伏事而畢命

三分天下有其二以伏事殷

子忽觀其不祥

子武王也未終喪之君稱子老子佳兵不祥之器

乃興師於牧野

地名泰誓武王與受戰于牧野

遂干戈以伐商乃棄

之而來遊誓不步於其鄉余閑口而不食並卒命

乎山傍

終南山賦

賦一

班固

字孟堅扶風茂陵人兩漢書皆有傳

漢書地理志右扶風武功縣太壹山古文以為終南毛氏詩注終南周之名山中南也

伊彼終南巋嶽嶙峋

嶽區章反嶽才結反高峻也嶽嶙力因反困居倫反盤旋也

青宮觸紫宸

李善注曹植詩承露槃太清槃與托同古字托摩也青宮紫宸天帝之居言山

高峻上極于天

嶽峯鬱律萃于霞芬

芬與氛同山嵐之氣

曖曖晻晻



若鬼若神

曖曖音愛逮雲霧吐吞障蔽天日變化殊形宋玉高唐賦縱二莘二若生於鬼若生

於神傍吐飛瀨上挺脩林立泉落落

瀑布泉也周庚信終南山詩長虹雙

布瀑密陰沉沉榮期綺季此焉恬心

家語榮啓期行乎邾野鹿裘帶索鼓

琴而歌高士傳四皓綺里季等共入商洛漢高樹之不來乃深匿終南

三春之季孟夏之

初天氣肅清周覽八隅皇鸞鸞鶻鶻警言乃前驅

皇鸞鸞鶻

皆鳳屬也春秋元命苞火禽為鸞國語周之與也鸞鶻鳴於岐山賦言人主出游朱雀為之前驅

爾

其珍恠碧玉挺其阿密房溜其巔

左思蜀都賦密房郁毓被其阜山圖

采而得道翔鳳哀鳴集其上清水泌流注其前

必泉也彭

祖宅以蟬脫

列仙傳彭祖殷大夫也歷夏至殷末八百餘歲常食桂芝善導引行氣歷陽有

彭祖仙室後昇仙而去

安期饗以延年

安期生賣藥於東海邊時人皆言千歲翁常住

來華山間饗謂以碧玉密房為仙藥餌之前秦錄王嘉  
不食五穀清虛服氣潛終南山菴廬而已此亦彭祖安  
期之倫也  
唯至德之為美我皇應福以來臻掃神壇以

告誠薦珍馨以祈仙嗟茲介福永終億年  
一本嗟作  
羌終作鍾

本傳肅宗雅好文章固愈得幸每行巡狩輒獻上賦頌  
按章帝本紀行幸祠祀之事無歲無之如增修羣望柴  
告岱宗祀汶上祠闕里幸岐山登太行吏不  
絕書惟終南薦享不見于史豈偶遺佚邪

### 竹扇賦

班固

按葛洪西京雜記漢制天子玉几夏設羽扇  
冬設繒扇至成帝時昭陽殿始有九華扇五  
明扇及雲母孔雀翠羽等名其華飾侈麗不  
言可知孟堅在肅宗朝時以竹扇供御蓋中  
興以來革去奢靡崇尚樸素所致  
賦而美之所以彰盛德養君心也

青青之竹形兆直妙華長竿紛寔翼香篠叢生於

水澤疾風時紛紛蕭颯削為扇翬成器美託御君

王供時有度量異好有圓方扇之形製或圓方隨人所來風

辟暑致清涼安體定神達消息百王傳之賴功力

壽考康寧累萬億一本來風堪辟暑靜致夜清涼

圍碁賦

馬融

字季長扶風杜陵人後漢書有傳

孟子曰弈之為數小數也趙歧注弈圍碁也博物志云丹朱善碁既不經見未足深信

略觀圍碁方法於用兵三尺之局為戰鬪場

陸賈

新語言圍碁兵法之類上者張置踈遠多得道而勝中者務相遮絕爭便求利下者守邊隅之作罽猶薛

公之言點布反也上計取具楚廣地中計塞成陳聚

士卒兮兩敵相當拙者無功兮弱者先亡

碁以智取亦以氣勝一本拙作

怯弱作貪怯則挫志  
貪則無謀亦戰皆然  
自有中和兮請說其方  
中和猶中庸  
甚術高妙未

中庸之方畧  
先據四道兮保角依旁  
緣邊遮列兮

往往相望離離馬目兮  
連連鴈行  
布子欲踔  
勢貴相屬踔度

間置兮  
前行覘敵曰踔  
引彼聯此曰度徘徊中央  
違閣奮翼兮  
置其所攻

曰違制其  
欲逞曰閣左右翱翔  
道狹敵衆兮情無遠行  
甚多

無箒兮如聚群羊  
箒與策同箒也  
兵法多箒勝駱驛自保兮先後

來迎攻寬擊虛兮踰踰內房  
踰七羊反踰步項反字本作  
槍梓梓又作梧兵杖也天文

志有天槍天梧  
星見則兵起利則為時兮便則為強  
馱於食兮壞

决垣墻堤潰不塞兮泛濫遠長  
敵可取不取當備  
不備必貽後悔班

固奕旨一孔有闕壞頽不  
橫行陣亂兮敵心駭惶

迫兼基維兮頗棄其裝

維音義與岳同基心并四面各據中一子謂之

五岳言不可動搖也此而見迫基勢危矣將有弃其負裝而遁者

已下險口兮鑿置清

坑

已既出險當設險以待敵口如飛狐之口井陘之口皆險要用奇處

窮其中罽兮如

鼠入囊

罽音卦罽罽也新語所謂作罽

收死卒兮無使相迎當食

不食兮反受其殃勝負之揲兮

揲一作策於言如

髮乍緩乍急兮上且未別白黑紛亂兮於約

如葛雜亂交錯兮更相度越守規

一作規

不固兮

為所唐突深入貪地兮殺亡士

一作將

卒狂攘相救

兮先後并沒上下離遮

又雜

兮四面隔閉圍合罕

散兮所對哽咽韓信將兵兮難通易絕自陷

死地兮設見權譎

漢書韓信以兵東下井陘李左車曰井陘之道車不得方軌騎不得成列

願假奇兵從間路絕其輜重信為背水陣出井陘口曰此在兵法陷之死地而後生言其當危急則出奇以取勝

誘敵先行兮往往一室捐其委食兮遺三將七

此亦言韓信未出井陘使萬人先行所以誘敵既而入空壁立赤幟遂以取勝其視敵壘猶己一室有所弃以啗敵

也將欲取之必固與之

遲逐爽問兮轉相伺密

勿迫以急之商詐詞以誤之

度道地兮碁相連結蔓延連閣兮如火不滅扶

疏布散兮左右流溢浸淫不振兮敵人懼慄迫促

蹶踏兮惆悵自失計功相除兮以時各一作訖事

留變生兮拾碁欲疾營惑窘乏兮無令詐出深

念遠慮兮勝乃可必



鬻髡賦

張衡

字平子南陽西鄂人後漢書有傳

莊周蒙人也著書寓言曰莊子使楚見空髡髡擊以馬捶而問曰夫子貪生失理而為此乎將有凍餒之患而為此乎語卒接鬻髡枕而卧鬻髡見夢曰夫死無君於上無臣於下與天地為春秋雖南面帝王樂不是過也故平子托之以伸其意

張平子將遊目於九野觀化乎八方

淮南子天有九野九州之外乃

有八星回日運鳳舉龍驤南遊赤野

極南之地北泚

一作

幽鄉

即幽都也

西經昧谷

日入之處

東極浮桑

日出之處曰扶桑

於是季秋之辰微風起涼聊回軒駕左翔右昂步馬于疇阜逍遙乎陵岡顧見鬻髡委於路旁下居淤壤上有玄霜張平子悵然而問之曰子

將并糧推命以天逝乎本喪此土流遷來乎為  
是上智為是下愚為是女子為是丈夫於是肅  
然有靈但聞神響不見其形荅曰吾宋人也姓  
莊名周遊心方外不能自修壽命終極來而立  
幽公子何以問之對曰我欲告之於五岳禱之

於神祇起子素骨反子四支取耳北坎坎北方水  
水內景故

耳屬求目南離離南方火火外  
景故目屬之使東震獻足西坤

授腹震東方主動在易為足坤西南  
方萬物皆致養焉在易為腹五內皆還五臟  
也

六神皆復五官反子欲之不乎髑髏曰公子言之

殊難也公子雖有此言吾  
殊難之不欲也死為休息生為役勞莊子  
曰勞

我以生佚我以老息我以死我以死冬冰之凝何如春冰之消凝則幽滯消則自然

淮南子冰之凝不若其釋也又况不為冰者乎榮位在身不亦輕於塵毛巢

許所耻伯成所逃巢父許由伯成子高以受天下君一國為耻而逃之榮位在人生猶輕之

况已死乎况我已化與道逍遥離朱離婁也不能見子

野師曠字不能聽堯舜不能賞桀紂不能刑虎

豹不能害劔戟不能傷與陰陽同其流與元氣

合其朴以造化為父母天地為牀蓐雷電為鼓

扇日月為燈燭雲漢為川池星宿為珠玉合體

自然無情無欲澄之不清混之不濁不行而至

不疾而速於是言卒響絕神光除滅顧時發軫

乃命僕夫假之以縞巾衾之以玄塵以土覆也為之傷涕酹於路濱

### 冢賦

古者不預凶事冢壙下葬而後穿築至春秋時晉文公有功於周請隧弗許曰王章也釋者云關地通路曰隧王之葬禮也晉文以此為請則預為冢壙矣漢之人主多預為陵廟則士大夫必有預為冢兆者詳觀此賦其平子預築之冢邪

載輿載步地勢是觀降此平土陟彼景山高山一也

升一降乃心斯安觀山之來岡一起一伏乃有支脉爾乃隳隳巍山

平險陸刊叢林禹貢隨山刊木鑿盤石起峻壘

構大槩古者以木為槩後世築以灰土或以磚石為之高岡冠其南平原

承其北

枕南而向北

列石限其壇

一作孺

羅竹藩其域系

以脩墜

周制惟王者用隧諸侯皆縣棺而下漢不以墜為禁

洽以溝瀆曲折相

連迤靡相屬

泄壙中水欲其曲折所謂之玄水也

乃樹靈木靈木

戎戎

樹之靈木所以識蔭戎戎盛貌靈善也

繁霜莪莪匪雕匪琢

繁霜冢上飾

周旋顧盼亦各有行乃相厥宇乃立厥

堂直之以繩正之以日

揆日景所以定方隅詩揆之以日作于楚室

有覺

其材

詩有覺其楹覺直也

以構玄室奕奕將將崇棟廣宇

在冬不涼

一作寒

在夏不暑祭祀是居神明是處

玄之室以寓享祝

脩墜之際亦有掖門

際墜之盡處建為掖門

掖門之

西十一餘半

地廣居掖門十分之一而又羨其半

下有直渠上有平岸

舟車之道交通舊館

自西而降則通往來之衢

寒淵慮弘存不忘

亡恢厥廣壇祭我芳子孫

古者不墓祭後世則有謂之上冢孟子嘗言樊問之

祭者宅兆之形規矩之制希而望之方以麗踐而行

之巧以廣幽墓既美鬼神既寧降之以福於以之

平如春之卉如日之升

### 温泉賦

張衡

按漢地理志京兆尹新豐縣驪山古驪戎地也山有神井泉温如湯辛氏三秦記云

驪山湯可以去疾消病武帝故事云驪山湯初始皇砌石起宇漢武加修飾焉至唐

時有宮在驪山不名温泉官天寶間治湯井為池環山列官室

余適驪山觀温泉浴神井美洪澤之普施乃為賦



云陽春之月百草萋萋余在遠行顧望有懷遂適

驪山觀溫泉浴神井風中巒風與風乎舞雩同意壯厥類

之獨美思在化之所原覽中域之珍恠無斯水之

神靈控湯谷乎瀛洲濯日月乎中營瀛洲海中山上有湯谷山海經

湯谷上有扶桑十日所浴也日月坎離之精濯乎其中故液泉而温蔭高山之北延處

幽屏以間清於是殊方跋一作交涉駿奔來臻士女

曄其鱗萃紛雜選其如網音因易天地網縕似有缺文亂曰天地

之德莫若生兮帝育蒸人資厥成兮六氣滛錯有

疾癘兮溫泉汨焉以流穢兮蠲除苛慝服中正兮

熙哉帝載保性命兮

觀舞賦

客有觀舞於淮南者美而賦之曰

爾雅舞以土地名之有周舞鄭舞巴

渝舞淮南舞

音樂陳芳旨酒施擊靈鼓兮吹參差叛淫

衍兮漫陸離於是飲者皆醉日亦既昃美人興而

將舞乃修容而改服襲羅縠之雜錯申綢繆而自

飾拊者嗽其齊列盤鼓煥以駢羅

拊搏也搏拊衆聲以合其行列

班固賓戲嗽發投曲感耳之聲舞之折盤隨鼓聲而旋轉故謂之盤鼓平子又有七盤舞賦此處似有缺

文抗脩袖以翳面展清聲而長歌歌曰驚雄遊兮

孤雌翔臨歸風兮思故鄉搦纖腰以互折嬛傾倚

兮低昂增芙蓉之紅華兮光灼爍以發揚騰嫫目

以顧盼

媿音胡故反好貌也楚詞媿目宜笑

盼爛爛以流光連翩絡

繹乍續乍絕裾似飛鸞袖如迴雪於是粉黛弛兮

玉質粲珠簪挺

一作

兮緇髮亂然後飾笄整髮被

織垂綵同服駢奏合體齊聲進退無差若影追形

古文苑卷第五

古文苑卷第六

漢臣賦六首

黃香九宮賦

李尤函谷關賦

崔寔大赦賦

王延壽夢賦

王孫賦

張超誚青衣賦

# 九宮賦

河圖之數戴九履一左三右七二四爲肩六  
八爲足五居中夾從橫十五易乾鑿度曰太  
一取其數以行九宮鄭玄注云太一者北辰  
神名也下行八卦之宮每四乃還於中央中  
央者地神之所居故謂之九宮天數以陽出  
以陰入陽起於子陰起于午是以太一下行  
九宮從坎宮始自此而坤宮又自此而震宮  
既又自此而巽宮所行者半矣還息於中央  
之宮既又自此而乾宮自此而兌宮自此而  
艮宮自此而離宮行則周矣上游息於太一  
之星而反紫宮行起從  
坎宮 終於離宮也

## 黃香

後漢書文苑傳黃香字文彊  
江夏安陸人博學經典究精  
道術能文章初除郎中肅宗  
詔香詣東觀讀所未嘗見書

累遷尚書令所著賦  
歲奏書令凡五篇

伊黃虛一作靈之典度五居中央屬土故曰黃靈之常度存乎文昌之

會宮天官書斗魁戴匡六星曰文昌宮皆將相貴臣夾輔紫宮者也翳華蓋之葳蕤

依上帝以隆崇晉天文志上九星曰華蓋所以覆蔽大帝之坐也握一作提璇璣

而布政北斗第二星曰璇第三星曰璣揔四七而持綱綱各七

宿揔為二十八宿和日月之光曜均節度以運行序列宿

之煥爛咸垂景以煌煌歷天陰之晦暗陽玉石

以炳明揚泉物理論曰極南為太陽極北為太陰日月五星行太陰則無光行太陽則能照賦言九宮

之行始於坎宮坎正北故為陰晦終於鏡大道之浩廣

泐沉澆以塊北言天地之間大造宏闊未易窺測泐讀如沓沉澆深廣也塊北無垠際也澆音



莽塊烏助 眇旭歷而銳一作銳 銀上聲廓岷岷以閱閱以

明歷推筭始知浩博之中分為九宮銳銀猶鑽研坻堙猶

闡奧岷字音拘堙古奧字音郁閱當作閱音浪閱闡高

大兒揚雄甘泉賦開闔二其寥即蹴縮以擻櫛震巽二

廓兮似紫宮之岬嶭此言中宮即蹴縮以擻櫛宮也巽

六陽之地羣陰退縮震居正東木之甲坎熒燧援以道煬

坎熒燧也九宮之始終坎中有火離中有水故錯言之

熒弋戰反火光焰道一作滄才周反道水之源煬火之熾

也胃驪駟以美去羸乾坤二宮也乾為老馬脊馬

馬驪音環字或作馬馬一歲也駟音葛馬謂牝馬為駟

疾行也乾坤皆馬以老稚健順而差別 碓礫皓皜以

駮樂良允二宮也良為小石碓礫音鱗礫小石貌允

拂律以順游銀取其輝粲律取其次序徑閭闔而出玉房閭闔

玉房太一所居也漢禮 謁五嶽而朝六宗太一天之尊

樂志游閭闔觀玉臺

五岳六宗之神皆來朝謁虞書禋于六宗對祝融而督勾芒祝融南方炎帝之佐勾芒

東方青帝之佐始於坎宮故對南方之神而役東方之神對南方之神而役東方之神蕩翊翊而敝警普降聊優游蔑反

以尚陽一作躐崑崙而蹈碣石山海經崑崙之丘實惟帝之下都張節曰

崑崙山去中國五萬里躐讀如陟登也碣石海畔山禹貢東底于碣石跪底柱而跨太行

底柱山名河水分流包山而過山見水中若柱然在西魏之界太行山在河內山陽縣西北肘熊耳

而據桐栢熊耳山在弘農盧氏縣東桐栢山在南陽平氏縣介嶠豕而持外

方嶠豕山在梁州漢水所出浣彭蠡而洗北海彭蠡大澤

在揚州之西界洗濯足也洗上声淬五湖而漱華池淬吸也與啐同華山之顛

有石池世所謂玉井粉白沙而曉定容彭煌郡關外有白龍堆沙春秋時有容城是為南郡

華容縣雲夢澤在東南定容蓋雲夢巴丘湖也曉鋤銜反說文曰小卒也謂吸之將盡卷南越以騰歷

南越交趾之地極南言終於  
高宮騰歷而上復回于中宮  
連明月以為懸剝駭雞以

為釵明月寶珠也連言其非一駭雞犀角也韓詩外傳太  
公使南宮适至義渠得駭雞犀以獻於紂抱朴子云

通犀中有一白理如線者置米其上以飼雞二見  
驚走名駭雞犀刻為魚形持入水水輒開剝削治也繞續組

而攝雲鬱綬如采繪之飾  
履為浮雲之形垂獨爾而服離袿戴

集岌而帶繚繞曳陶匏以委蛇獨繭一繭絲也  
列仙傳園客收

繭如甕大綠一繭六十日始盡訖集岌冠巍峩貌繚  
繞帶影揚貌陶匏甄陶所成以上言冠服儀飾之盛

乘根車而駕神馬孝經援神契曰山出根車禮記所  
謂噐車也不斷治而自圓曲神馬

天馬訾黃之類驂馭駒而俠窮奇馭駒亦神馬服外  
日驂窮奇神名使

織女驂乘王良為之御天官書織女天女孫也天駟  
旁一星曰王良王良策馬車

野騎蒲三台執兵而奉引軒轅乘駞驢而先驅

招搖豐隆騎師子而俠轂名先後以為雲車

三台星名

六星兩兩而比曰三台軒轅黃龍體南宮星

駟騷獸似驪招搖星

名禮記招搖在上豐隆雷師楚詞吾令豐隆乘雲兮師子出南海

百獸之長先後並去声奉引前驅所謂先也

俠轂所謂後也先後之神皆乘雲以為車

左青龍而右蒼

鸞前七星而後騰蛇

東方七宿為蒼龍西方鸞為白虎南七星朱雀北虛危騰蛇玄武

徵太一而聚羣神

太一有十神一曰太一次曰五福太一三曰天一四曰地太一五曰

君基六曰臣基七曰民基八曰大遊九曰氣遊十曰計神唯太一最尊更無別名止謂之太一後人以對大遊而謂之小遊蓋

誤加之沈括筆談辨之甚詳按此徵太一當作天一

趣熒惑而叱太白

火星司禮金星司兵太一

出則趣

東井輟

一作輟

輟而播

潘洒彗勃佛仿以稍

擊四微塵

又作

於干道絕引者而驚鞞

東井主汛洒蓋因井

以取義輟鞞讀如汲漈鹿盧以引汲也彗孛二星五星之精所變主除舊布新言太一出遊則清塵警道故彗有干道驚鞞者

蚩尤之倫玢璘而要班爛垂又作金干而捷又建雄戟

操巨擘又臣之礲弩齊佩機而鳴廓狼弧殼張而

外饗枉矢持芒以岝嶸迅衝風而突飛電蚩尤古之善兵

者與黃帝戰于阪泉言使武勇能兵之徒若蚩尤者操執兵器

扈從其行揚雄甘泉賦蚩尤之倫帶干將而秉玉戚玢璘音彬

鄰文來克巨擘音狸弩名礲音敲勁也佩機弩機引滿齊而後

發廓發也天狼星之下有星曰弧如弧矢之狀正向之此云狼

弧則是射狼之弧也殼古豆反饗讀作嚮枉矢星蛇行而蒼

黑望之如有毛羽然岝嶸振激之狀其勢迅速過於風電

振雲崕岫而土壘山廣韻崕山在容州山下有鬼市壘即

崕字崕峒山也能令幽谷興雲空洞

塞填龍狡猾又作猶龍與而蹴踐剗走扎揭而獠桔梗

一作繚櫟略攬而突列峭槁律屈而却梁黨什巷滄

而觸螟蜥扶丑乙砮礮一作而扑雷公標擎缺而拂勃

决

皆鬼神名言妖星厲鬼屏除顛仆莫敢干之

奮雲旗而推

又作撞

鴻鐘聲淳

淪

又作綸

以純侖四海澹而拓地梁

拓又作祐雲旗所以垂覆于下洪鐘所以宣其

和也淳淪純侖至和交暢故四海清晏下土蒙福地梁猶言地維地軸也

碎太山而刺嵩高吸

洪河而嘑九江登焦堯之鑿臺闕天門而閃帝宮

享嘉命而延壽樂斯宮之無窮

末言喬岳可隳江河可竭九宮定位未嘗

遷變游行一周復于中宮所謂長於上古而不老超乎天地而永存也刺盧達反及錄言其微

### 函谷關賦

李尤

後漢文苑傳李尤字伯仁廣漢維人和帝時拜蘭臺令

故秦函谷關在弘農縣周秦故都皆在關中漢高祖用婁敬策都關中因秦故關而守之武帝徙函谷關於新安地理志河南郡穀城縣顏師古曰即今新安也

惟皇漢之休烈兮包八極以據中混無外之盪盪兮



惟唐典之極崇

唐典謂唐堯之舊典別九州協和萬邦

萬國喜而洞洽兮

何天衢以流通

易大蓄上九何天之衢亨

襟要約之險固兮制關

捷以擒非其南則有蒼梧荔浦離水謝沐涯浦零中

以窮海陸

蒼梧而下六關在南地理志蒼梧郡注屬交州有離水關謝沐荔浦二縣交趾郡合浦縣並有

關九真郡有界關

於北則有蕭居天井壺口石徑貫越伐朔

以臨胡庭

蕭居而下六關在北上黨郡注有上黨關壺口關石研關天井關徑讀作研音形餘未詳諸部

有懷渾歸旬等名或有關越字恐誤

緣邊邪指陽會玉門凌測龍堆

邪指

則陽會玉門等關燉煌郡注江西關外有白龍堆沙龍勒縣有陽關玉門關

或置於西則有

隨隴武夷白水江零沔漢阻曲路由山泉舊水遼濫

沐落是經

於西則隨隴至沐落等關以上諸關志不載或謂乍置乍廢

迺周覽以汎

觀兮歷衆關以遊目惟夸闊之宏麗兮羌莫盛於函

谷羌發語辭施雕龔以作好建峻敞之堅重殊中外

以隔別翼巍巍之高崇命尉臣以執鑰有關於尉光武紀建元九年省

十九年復置統羣類之所從嚴固守之猛厲操戈鉞而普

聰聰聽也謂察聽姦邪蕃鎮造而惕息侯伯過而震惶惟函谷

之初設險前有姬之苗流惟思也易王公設險以守其國苗流本末也推函谷置關

之本未當始於姬周之前嘉尹喜之望氣知真人之

西遊爰物色以遮道為著書而肯留劉向列仙傳老子西遊關尹喜先見

其氣知真人當過物色而遮之老子亦知其奇為著書道德經二篇自周轍之東遷秦虎

視乎中州周平王東遷洛陽秦遂據有岐雍之地恃其險要肆毒天下班固西都賦秦以虎視文馳

齊而懼追誦雞鳴於狗偷齊孟嘗君田文囚於秦客有能為狗盜者竊美裘以獻嬖

姬昭王釋之孟嘗君得出即馳去更封傳變姓名夜半至函谷関二法雞鳴出客恐追至客為雞鳴而雞盡鳴

遂發傳出

睢背魏而西逝托衾衣以免搜范睢得罪於魏秦謂者王

見史記

誓與俱入秦至函谷関秦相穰侯東行縣邑睢匿車中免索而得入見戰國策揚雄解嘲范睢之亡也扶服入

大漢承弊以建德革厥舊而運脩高祖初入関與民約法三章至武帝

元鼎三年冬乃徙函谷関於河南郡新安縣運修猶改爲也

准令宜以就制因茲

勢以立基謂擇其善而宜者因自然形勢以立関之基址據地勢前漢関在國都之東後漢関在國

都之西郡國志穀城縣有函谷関注西征記曰函谷左右絕岸十丈中容車而已

蓋可以詰非

司邪括執喉咽季末荒成墮闕有年謂西漢之末関守

噫寢噫墮同許規

天閔羣黎命我聖君誓符皇乾孔適河文聖君謂光武也後漢

反

志光武東封泰山引河圖  
會昌符誠合帝道孔矩  
中興再受二祖同勲言光武受

命中興與高祖創業同功永平承緒欽明奉循上羅三關下列九

月明帝永平之間能承奉二祖立國會萬國之玉帛

徠百蠻之貢琛東漢都洛陽河南郡為帝京諸侯藩鎮執玉帛朝覲方外蠻夷各以其國琛寶來貢皆由函谷關左傳禹會諸侯於塗山執玉帛者萬國魯頌憬彼淮夷來獻其琛冠蓋紛

其雲合車馬動而雷奔察言服以有譏捐繻傳而勿

論言人物往來之多惟異服異言是察它無所禁禮記開執禁以譏禁異服識異言譏察也繻傳過關之符

信也書繻帛分持其一以為出入之驗或用茶刻木

為之漢書文帝除關無用傳終軍入關弃繻而去

于以廓襟度於神聖法易簡於乾坤言大漢人主包涵天下與乾坤同量

易乾以易知坤以簡能尤又有函谷關銘曰函谷險要襟帶喉咽尹從李老留作二篇孟嘗離秦奔鷲東征夜造稽

疑譎以雞鳴范睢將入自盛以囊元鼎革移錯之新安舍  
彼西阻東即高原長壙重閣閑固不踰簡易二從與乾合符

# 大赦賦

崔寔

字子真瑗之子  
後漢書有傳

唐虞之際省裁肆赦易稱君子以赦過宥  
罪謂過誤則赦有罪者寬宥之而已後世  
始有大赦本期除惡或至賞姦論者評之  
詳矣按漢書和帝十一年夏四月丙寅大  
赦天下此賦寔少年所作  
至巨帝時論事名曰政論

惟漢之十一年四月大赦滌惡棄穢與海內更始  
豐乎思隆平之進也寔就而賦焉

以爲五帝異世三王殊事然其承天據地興修法制  
一也陛下以苞天之大承前聖之迹朝乾乾於萬幾

夕處敬而厲惕  
言勤政也易曰君子終日乾夕惕若厲然猶痛刑之未措

厥將大赦天下所以創太平之迹旌頌聲之期新邦

家而更始垂祉羨乎將來此誠不可奪也方將披玄

雲慶雲也淮南子玄雲素朝照景星景星如半月獲嘉禾於疆畝周成王時唐叔得禾異畝

同穎作數萁莢於階庭堯時萁莢生於階隨月開落捫騏驎之肉角

麒麟瑞獸一角二端有肉聆鳳凰之喙鳴天下有道則鳳凰至左傳鳳凰于飛和鳴鏘二農夫

歡於時雨工女樂於機聲雖養皇之神化尚何斯之太寧

### 夢賦

周禮占夢以日月星辰占六夢之吉凶一曰正夢二曰噩夢三曰思夢四曰寤夢五曰嘉夢六

曰懼夢又大小卜掌三夢之灋一曰致夢二曰辭夢三曰咸夢注夏殷周所占夢之法也

王延壽後漢文苑傳王延壽字文考南郡宜城人有雋才曾有異



夢意惡之乃作夢賦自厲年二十四過漢江溺水而死

臣弱冠嘗夜寢見鬼物與臣戰

漢以前對人稱目僕率以為常近世

非君前不稱目弱冠二十歲

遂得東方朔與臣作罵鬼之書

此書

不傳臣遂作賦一篇叙夢後人夢者讀誦以却鬼

數數有驗臣不敢蔽其詞曰余宵夜寢息乃忽

有非常之物夢焉其為夢也悉覩鬼物之變恠

則有蛇頭而四角魚尾

一作首

而鳥身或三足而六

眼或龍形而似人

山海經南禺之山其神龍身而人面

羣行而奮搖忽

來到吾前伸臂而舞手意欲相引牽於是夢

中驚怒膈臆紛紜

膈音逼膈臆怒氣填胃也

曰吾含天地之



淳和何妖孽之敢臻尔乃揮手振一作奮拳雷發

電舒斡游光斬猛猪一作躡斡側畧反斡亦斬也左傳公子彭生之鬼為大豕人

立而批黠毅黠一作佛字本作鬻父斫魃虛捎魍魎

說文魃老精物也音媚虛耗鬼也國語木石之怪夔蚘蚘拂諸渠撞縱目打三顛

撲茗莛一作魍夏王篇魃扶夔魍東京賦作夔魍扶丑乙反搏眈

眈蹴睢盱音狙剖列歷制掣羯孽剝尖臯踏赤舌

挈儻嶂甍獬揮髯鬚多鬚而禿髮鬚許鏐反自游光而下至髯鬚皆鬼物名李

善文選注諸鬼說者各異似不必深辨於是手足俱中捷獵摧拉拉人合反

折澎凜跌抗澎音彭凜音泝羣隊奔迸如水潰決措倒

批筭強梁捶捥劇按捺予摠撥黠拖顛一作躡躡

抨橙軋

拔子寸反猶擠也左傳拔衛侯之手撩音僚撻

從而持捉之橙即橙字抨軋皆擊打之稱

於是群邪衆魅駭擾遑遽煥

衍叛散尔留乍去變形瞪眄

瞪音耕反怒目直視也

顧望

猶豫吾於是更奮竒譎脉捧獲噴扼撓峴捷

扼

作振撓呼毛反攬也 咿嘜批擗噴

擗音獲本作嘖噴音圭貝其不去者又從而捉獲批擗加以

宅於是三三四四相隨浪傍而歷僻

浪音浪傍傍行不正貌僻

音闢歷僻猶辟易也 礧礧磕磕揜齊亥

一作精氣充

布 揜葱昔反亥讀作駭 訾

訾言

譽譽 一作譽

鬼驚魅怖或盤跚而欲走或拘

攣而不能步或中瘡而宛轉或捧痛而號呼

去聲

奄霧消而光散寂不知其何故

易繫辭知幽明之故

嗟妖

邪之恠物敢干真人之正度人稟天地之真氣守君子之正行妖物何

為敢干之耳唧嘈而外即忽屈申而覺寤於是雞以終前意

知天曙而奮羽忽嘈然而自鳴鬼聞之以迸失

失讀作心惛怖而皆驚亂曰齊桓夢物而以

霸夢物未詳管子桓公比伐孤竹見人長尺而人物

具焉走馬前疾公大惑管仲曰伯王之君興而登

山神見又莊子桓公田於澤見鬼焉齊士有皇子告敖者

曰澤有委蛇其大如轂其長如轆紫衣而朱冠見之者殆

乎霸桓公笑曰此寡人之所見者也夢恐是寤字武丁

夜感得賢佐尚書高宗夢帝賚周夢九齡年克

百禮記武王夢帝與我九齡文王晉文臨腦國以

竟一作左傳僖三十八年晉侯夢與楚子搏楚子伏

已而臨其腦子犯曰吉我得天楚伏其罪遂

戰楚師 老子役鬼為神將昔洪神仙傳李耳以周武王時為柱下史

時俗見其久壽故号老子所出度世治鬼養性絕穀變化役使鬼之法 轉禍為福永無

恙兮說文恙余亮反憂也一云恙噬舌能食人心故無百憂患者謂之無恙

### 王孫賦

猴類以况小人之輕黠便捷者卒以慾心發露受制於人徐堅初學記載此文間有音而

無釋茲畧較補未詳者闕之

原天地之造化實神偉以屈竒道玄微以密妙

信無物而不為有王孫之狹獸狹即狎字一作狡形陋

觀而醜儀顏狀類乎老公軀体似乎小兒眼睚

眦以眈眦一作眈眈睚音崖眦五流反眈許聿反皆睥子不正貌視職睫以映瞳

職音戰睫側夾反映呼悅  
反瞳呼迷反顧盼不定  
突高匡而曲頰一作睽

歷而隳離頰音過額也  
歷反眼歷驚視狀儼許緣反輕疾也  
臯鞋齶

以軼軼鞋音封軼呼侯反  
軼許夾反皆鼻息声  
軼音  
耳聿役以喃知一喃

音摘  
口嗛吽以齧齧嗛呼忝反吽之并反咀噍狀  
齧側成反齧七角反有齒無

牙  
狀脣敝喟以玳玳敝蜜涉反喟而囁反閉口貌  
玳疋甲反視如甲反開口貌  
齒崖

崖以齧齧崖本作齧五街反  
齧魚蹇反露齒貌  
嚼咥咥而囁唯音忍  
嚼音丹

囁之涉反囁音  
覘並口動貌  
儲糧食於兩頰稍委輸於胃脾蹠

兔蹲而狗踞蹠具負反蹠  
蹠不伸也  
聲歷鹿而喔咿喔音握咿  
音伊強顏

作声楚詞喔咿  
嚙覘以事婦人  
或囁囁而噉噉囁音噉又音客一作  
囁音噉又音客一作

将殼之  
又噉嬰一作  
其若啼噉音摘  
姿僭僕而抵

声左傳君





下值一作對足而登跔跔即跔字芳遇反說文互攀攬以

狂接負儵呻而奄赴儵即倏字儵忽出莊子呻即

疾貌時遼落以蕭索時乎乍睥睨以容與睥睨

或躡一作躡跌以跳迸又咨陬而攢聚躡

踟同又隻反跌右穴反陬將侯反羣居也羣隊跳躡迸逸忽又攢聚一處

陳躡危臬而騰舞忽踊逸而輕迅羌難得而觀

婁史記貨殖傳陳椽其間得所欲司馬貞注椽逐緣反

無枝節者觀音螺觀縷委曲也言圍山馳逐莫以捕之乃

耳左太冲吳都賦同甘苦於人類好舖糟以齧醕齧

悅反醕音漓薄酒也楚乃置酒於其側競爭飲而跄

馳也踏火緣反 醜急疾也 醜陋 醜以迷醉 醜眠睡而無知醜火

酌火候反 酒 釅狀蒙莫孔反 釅拏髮以縹一作纏 縹遂纓絡而

羈縻釅與暫同不女也 髮子公反 毛亂也 縹火結反 謂

類 歸鑠繫於庭廐觀者吸呷一作呷 而忘疲

### 誚青衣賦

張超後漢文苑傳超字子並河間鄭人留侯之後

舊編載青衣賦以為蔡伯喈文豈少年時所為耶志蕩詞淫不宜玷

簡冊以有誚之者故附見之其詞云金生砂磔珠出蚌泥歎

茲窈窕散在卑微盼倩依麗皓齒蛾眉縱橫接髮葉如低

葵綺袖丹棠躡躡絲屏盤跚蹀躞坐起低昂和暢善笑動揚朱唇

都冶武媚卓躒多姿精惠小心  
趨事如飛中饋裁割莫能雙追  
閑睢之潔不陷邪非察其所履  
世之鮮希宜作夫人為衆女師  
伊何尔命在此賤微代無樊姬  
楚莊晉妃感昔鄭季平陽是私  
故因錫國歷尔邦畿雖得媼媵  
舒寫情懷寒雪續紛充庭盈階  
兼裳累鎮展轉倒頽助所將曙  
雞鳴相催飾駕趣嚴將舍爾乖  
矇冒矇冒思不可排張子並同  
時人規微備至俾之思愆可謂  
益友矣

彼何人斯

詩卷伯蘇公之篇皆有此句  
不指名其人蓋鄙疾之也

悅此艷姿麗

辭美譽雅

句斐斐文則可佳志卑意微鳳兮鳳

兮何德之衰高岡可華何必棘茨醴泉可飲何

必誇池隨珠彈雀堂溪刈葵

鳳翥詞人棘茨誇池喻青衣隨侯之珠堂

溪之金以為劍皆可寶者用之彈雀刈葵則自輕甚矣莊子以瘠侯之珠彈千仞之雀淮南子官人得戟則以刈葵

鴛鴦啄鼠何異乎鴉

鴛鴦非竹實不食腐鼠乃鴉鴉所求事見莊子

歷觀古

今禍福之階多由孽妾淫妻書戒牝雞

秦誓牝雞之晨

惟家詩載哲婦懿厥哲婦為梟為鳴

哲謂多智詩哲婦傾城

三代之季皆

由斯起晉獲驪戎斃懷恭子

晉獻公伐驪戎獲驪姬以歸公嬖之卒亂

晉國恭太子申生繼死懷公圍見絃

有夏取仍覆宗絕祀

據楊雄宗正歲太康不恭

有仍二女五子家降蓋謂太康為羿所逐而失國左傳則曰有仍氏女髮光可鑑后蔓取之生伯封貪恠無厭羿滅

之夏亦恐是夔字

叔貐納申听聲狼似

叔向娶申公巫目之女生伯石其母徃視

之及堂聞其声而還曰是豺狼之声也喪羊舌氏矣貐叔向名

穆子私庚豎牛餒已

孫叔

穆子私庚宗之婦人生子曰黃歇之敗從李園始李園進姝

牛使為堅後為亂穆子餓死於春申君黃歇魯受齊樂仲尼逝矣季相子受齊女樂孔子行

後因作亂殺歇文公懷安姜笑其鄙晉文公之未反國也安於齊姜氏勉之曰子必有晉若何懷安

與子犯謀醉而載之以行周漸將衰康王晏起畢公喟然深思

古道感彼關雎性不雙侶願得周公妃音以窈

窈防微消漸諷諭君父周南關雎毛氏傳后妃之德也齊韓魯三詩皆以為

康王晏朝開睢刺之漢時毛詩未立於學官故儒漢所引多以為刺孔氏大之列冠篇首

夫子刪詩以關睢冠三百篇晏嬰潔志不顧景女晏嬰字平仲事齊靈莊景三君

後為景公相公與之邑欲更其宅及妻以女皆辭弗受乃雋不疑奉霍不受漢書

雋不疑字曼倩聲名重於朝廷大將軍先欲以女妻之不疑固辭不肯當見尊不迷况此麗

豎

景公霍光皆尊貴欲奉以女嬰不疑尚秉志不惑矧此賤者欲屑就乎深誚之也

三族无紀

綢繆不序蟹行索妃

蟹邪行如音配

旁行求偶昏無媒

理宗廟無主

無主其祭祀者

門戶不名依其在所生女

為妾生男為虜

也虜

歲時酹祀詣其先祖或於

馬廐厨間竈下

下楚詞叶音戶

東向長跪接狎觴酒悉

請諸靈僻邪無主

無定主也

多乞少出銅丸鐵柱積

繒累億皆來集聚

細碎之物隨得而聚婢之常態

嫡婉歡心各有

先後臧獲之類

方言凡民男而羣婢謂之臧女而婦奴謂之獲

盖不足數古

之贅媢尚猶塵垢

秦法家貧子壯則出贅

况明智者欲作奴父

勤節君子無當自逸宜如防水守之以一秦繆



思誓故獲終吉

逸與佚同謂淫佚也誓與愆同尚書秦誓曰則罔所誓取其悔過也

古文苑卷第六







古文苑卷第七

賦十一首

蔡邕漢津賦

筆賦

彈碁賦

短人賦

王粲浮淮賦

羽獵賦

柳賦

陸機思親賦

左思白髮賦

庾信枯木賦

謝朓遊後園賦



漢津賦

蔡邕

字伯喈陳留圉人後漢書有傳

漢為四瀆之一都道所湊為津說文曰津渡也

夫何大川之浩浩兮洪流淼以玄清配名位乎天漢

天漢雲漢也詩倬彼雲漢為章于天蕭何傳語曰天漢森音眇

披厚土而載形登源

自乎蟠冢引漾漚而東征

禹貢蟠冢導漾東流為漢漾水出隴西氐道東流過

武關山南為漢禹治漾水自蟠冢始

納陽谷之所吐兮

謂日也漢之源在西故云納日

兼漢沔之殊名

沔水出武都東南入江漢上曰沔如淳曰北方人謂漢水為沔水

揔畎

澮之群液演西土之陰精遇萬山以左迴兮

萬一作曼山名在南

郡襄陽西九里酈元注水經云漢水東經萬山北

旋襄陽而南縈

經襄陽而南行切大

別之東山兮與江湘乎通靈

禹貢至于大別南入于江師古曰觸大別山而南入江湘

水出臨湘縣澧山北入江嘉清源之勢體兮澹澹爰以安流澹視然反澹爰猶渾

鱗甲育其萬類兮蛟龍集以嬉遊明珠胎于靈蚌

兮夜光潛乎玄洲夜光之珠玄洲幽深之崖也雜神寶其充盈兮豈

魚龜之足收珠貝所蓄它水族不足道於是遊目騁觀南接三州

北集京都三州徐揚荆也淮水所經京都漢京河南尹也由淮入河自河而達雒陽上控隴坻

下接江湖孔穎達書正義地理云漢水出隴西氐道縣至武都為漢水禹貢南入于江東匯澤為彭蠡

導財運貨懋遷有無既乃風火然蕭瑟勃焉並興揚侯

沛以奔驚洪濤涌而沸騰願乘流以上下商估往來乘淮水而上下

窮滄浪乎三澨觀朝宗之形兆看洞庭之交會

禹貢又東為滄浪之水過三澨東匯為滄浪之水過三澨東匯

筆賦

古者簡牘畫以鉛繫至秦蒙恬始製筆釋文筆述也述事而書之

惟其翰之所生于季冬之狡兔

兔經霜則毫健

性精亟以標

悍體湍迅以騁步

兔性若此毫之輕健勁捷似之宜製以為筆

削文竹以為

管加漆絲之纏束形調搏以直端染玄墨以定色畫

乾坤之陰陽讚宓皇之洪勳

宓義始畫八卦

叙五帝之休德

揚蕩蕩之明文

堯蕩二乎民無能名

紀三王之功伐兮表八百之

肆觀

武王至孟津諸侯不期而會者八百國

傳六經而綴百氏兮建皇極

而序彛倫綜人事於晷昧兮贊幽冥於明神象類多

喻靡施不協上剛下柔乾坤位也新故代謝四時次

也圓和正直規矩極也玄首黃管天地色也易天玄而地黃

### 彈碁賦

沈存中筆談西京雜記云漢元帝好蹴鞠以蹴鞠為勞求相類而不勞者遂為彈碁之戲予觀彈碁絕不類蹴鞠頗與擊鞠相近疑是傳寫誤耳其局方二尺中心高如覆孟其巔為小壺四角微隆起白樂天詩彈碁局上事最妙是長斜長斜謂抹角斜彈一發過半局今譜中具有此法

榮華灼爍萼不韡韡於是列象雕華逞麗豐腹欽邊

中隱四企魏文帝彈碁賦云豐腹高隆庫根四頽輕利調博易使馳騁然

後我製兵基萃驚或風颿波動若飛若浮不遲不疾

如行如留放一弊六功無與儔此即長斜也魏文帝賦云緣邊間造長斜迭取

### 短人賦

侏儒短人焦僥之後國語焦僥氏長三尺短之至也出自外域戎狄別

種上文注焦僥西南蠻之別也去俗歸義慕化企踵遂在中國形貌

有部名之侏儒東方朔傳朱儒長三尺餘奉一囊粟生則象父唯有晏子

在齊辯勇匡景拒崔加刃不恐晏嬰長不滿六尺事齊景公常直諫匡救之初

崔杼弑莊公晏子入枕尸而哭人謂崔杼必殺之杼曰民之望也舍之得民崔杼盟國人於大宮晏子仰天而歎曰嬰所

不唯忠於國利社稷者是與有如此上帝後竟滅崔氏晏子非侏儒比以古賢為戲非所以為訓其餘厄么劣

厥僂窶噴二怒語與人相拒矇昧嗜酒喜索罰舉醉

則揚聲罵詈怒口衆人患忌難與共侶是以陳賦引

譬比偶皆得形象誠如所語詞曰雄荆鷄兮鶩鷖羈

鶻鳩鷓兮鶉鷄雌冠戴勝兮啄木兒觀短人兮形若



斯熱地蝗兮蘆即且子如反似繭中踊兮螻蠕須躡今作

蠕音而蚕之傷火病縮者視短人兮形若斯木門闔兮梁上柱江南人呼

梁上矮柱為侏儒獎鑿頭兮斷柯斧鞞鞞鼓兮補履撲脫柄

椎兮擣薤杵視短人兮形如許

### 浮淮賦

王粲

字仲宣漢末人為魏侍中有文集

魏志建安十三年曹公自江陵征劉備至赤壁與備戰不利十四年至譙治水軍秋七月自渦

入淮出肥水軍合肥子平是時為漢五官中郎將粲為丞相掾從曹公東征

魏文帝賦序云建安十四年王師自譙東征大興水

軍浮舟萬艘時余從行始入淮口行泊東山觀師徒

觀旌帆赫哉盛矣雖孝武盛唐之狩舳艫千里武帝紀元封五

年冬南巡狩至于盛唐自尋陽浮江親射蛟江中獲之舳艫千里作盛唐之歌殆不過也乃作斯

賦云命粲同作文帝賦不全

從王師以南征兮浮淮水而遐逝背渦浦之曲流兮

望馬丘之高濶濠州界有馬丘聚濶水邊高土泛洪槽于中潮兮槽戰舡上敵樓

淮與海通故有潮飛輕舟乎濱濟建衆檣以成林兮譬無山之

樹藝檣舡上桅竿於是迅風興潭浪濤波動長瀨鉦鼓若

雷旌麾翳日飛雲天迴蒼鷹鳥飄逸舟楫遇順風如雲之飛天為迴旋士卒駕

舟如蒼鷹之勁疾滂沛汹溶遞相競軼凌驚波以高騫馳駭

浪而赴質加舟徒之巧極美榜人之閑疾舟徒水軍榜人操舟者閑

謂習慣白日未移前驅已屆群帥按部左右就隊軸輻

千里名卒億計運茲威以赫怒清海隅之蒂芥指吳人也

孫權圍合肥與劉備結好備猶未有蜀

濟元勲於一舉垂休績乎遠裔

### 羽獵賦

擊虞文章流別論云建安中魏文帝從武帝出獵賦命陳琳王粲應瑒劉楨並作琳為武獵粲為羽獵瑒

為西狩楨為大閱凡此各有所長粲其最也此賦首尾有缺文以粲集補

濟漳浦而橫陣

清濁二漳水皆出上黨合流過魏郡曹公攻袁尚嘗決漳水以灌鄴城

倚紫陌而

並征樹重置於西址列駿騎乎北垆遵古道以游豫

兮孟子一游一豫為諸侯度

昭勸助乎農圃因時隙之餘日兮陳苗狩

而講旅

左傳春蒐夏苗秋獮冬狩皆於農隙以講事也

相公乃乘輕軒

相公指操時粲為丞相椽輕軒

也輶車

駕四駘

白馬黑鬃曰駘詩駕彼四駘

拊流星

矢名

屬繁弱

弓名力重千斤周武

王之戎弓也

選徒命士威興竭作

周禮小司徒凡起徒役唯田與追胥竭作

旌旗雲

擾鋒刃林錯揚輝吐火曜野蔽澤山川於是乎搖蕩

草木爲之摧落禽獸振駭竄亡氣奪舉首觸絲搖足

遇捷陷心裂胃潰頸破頰

察集作頰音遏

鷹犬競逐奕奕霏

霏下講窮縲搏肉噬肌墜者若雨

子虛賦獲若雨獸去声

僵者

若坻

詩如坻如京鄭氏箋坻水中之高地也

清野滌原莫不殲夷

### 柳賦

魏文帝柳賦序云昔建安五年上與袁紹戰於官渡時余從行始植斯柳自彼迄今十五

載矣感物傷懷乃作斯賦蓋命繁同作

昔我君之定武

指曹公也左傳武有七德保大定功

致天届而徂征元子

從而撫軍

謂平從行左傳冢子從曰撫軍守曰監國

植佳木于茲庭歷春秋

以踰紀行復出於斯鄉覽竝樹之豐茂紛旖旎以脩

長枝扶踈而覃布莖樛捎以奮揚人情感於舊物心

惆悵以增慮行游目而廣望觀城壘之故處悟元正

之話言

按史是年正月操軍于官渡四月破紹軍於延津南歷舊日營壘之地因念當時參陪軍政猶記其

話言信思難而存懼

思征戰之事而存戒懼

嘉甘棠之不伐

以柳比甘棠言

土人感曹公之德如召南之思召伯故不剪伐

畏敢累於此樹

今當祇畏而愛護之

苟遠跡而

退之豈駕馳而不屢

倘遠舊跡退而不顧雖屢經從奚關感築

思親賦

陸機

晉書陸機字士衡吳郡人也父抗吳大司馬抗卒領父兵為吳牙門將大康中與弟雲俱入洛累遷

為太子洗馬著作郎機生於吳中仕西晉洛陽去鄉社遙邈又遭時變亂不克祠祀其親作賦以述思念之情

悲桑梓之悠曠愧蒸嘗之弗營井社植桑梓以為表識悠曠言隔遠也蒸嘗謂四時

之祀指南雲以寄欽望歸風而効誠年歲俄其聿暮明

星爛而將清廻飈肅以長赴零雲紛其下積而親之墳

墓在吳中思因風雲之便以寄吾誠敬由歲至暮羨纖枝

之在榦悼落葉之去枝存顧復之遺志感明發之所

懷父母猶根榦子孫猶枝葉詩顧我復我欲報之德又詩明發不寐有懷二人兄瓊芳而蕙

茂弟蘭發而玉暉感瑰姿之晚就痛慈景之先違晉書

陸雲字士龍少與兄機齊名号曰二陸為吳王郎中令出宰浚儀有惠政言兄弟才美相映所恨成就之晚不及奉養其慈親

猶曾子得祿三千鍾而悲也



白髮賦

左思

晉書字太冲齊國人少博覽文史

譏後世俗薄貴少而賤老雖血肉至親晚景或相棄背也

星星白髮生於鬢垂

星二明粲貌垂邊也三邊亦謂之三垂

雖非青蠅

穠我光儀策名觀國

策名謂名書策牘也易觀卦觀國之光利用賓于王

見疰將拔將鑷好爵是縻

易我有好爵吾與尔縻之

白髮將拔怒

然自許稟命不幸值君年莫偏迫秋霜生而皓素始

覽明鏡惕然見惡朝生晝拔何罪之故予觀橘柚一

皜一擘貴其素華匪尚綠葉願戢子之手攝子之鑷

咨爾白髮觀世之途靡不追榮貴華賤枯赫赫闔闔

藹藹紫廬

闔闔天門也紫廬紫微之庭天帝之居也

弱冠求仕

男子二十曰弱冠

童

髮獻謨甘羅乘軫

史記甘羅年十二秦以車五乘遣使趙還為上卿

子奇剖符

說苑子奇十八齊使為東阿宰有善績古縣宰銅章墨綬

英英終賈高論雲衢

漢書終軍

年十八詣長安上書言事賈誼年二十餘文帝召為博士

拔白就黑此自在吾白髮

臨拔瞋目號呼何我之冤何子之娛甘羅自以辨惠

合作

見稱不以髮黑而名著賈生自以良才見異不

以為鬢質而後舉聞之先民國用老成二老歸周周道

肅清

孟子二老者天下之大老也而歸之言呂尚伯夷歸文王周之王道以成周書永清四海四皓佐

漢漢德光明

商山四皓從太子之招輔惠帝入朝儲貳之位以定

何必去我然後

要榮咨尔白髮事故有以爾之所言非不有理曩貴

耆老今薄舊齒皤皤榮期皓首田里

列子榮啓期年九十行乎邾之

野鹿裘帶索鼓琴而歌又見家語

雖有二毛河清難俟

左傳不禽二毛又俟河之清人

壽幾隨時之變見歎孔子

易隨時之義大矣哉

髮乃辭盡拉以

固窮昔臨玉顏今從飛蓬髮膚至昵尚不克終聊用

擬辭比之國風

### 枯樹賦

庾信

此賦有碑本傳于世末題貞觀四年十月八日為燕國公書又細書其旁九肆

伯陸拾漆字其後跋云右枯樹賦一卷乃褚河南真跡也按徐浩書品云中宗

時內出二王墨帖二十卷賜中書令楚宗容二裝作屏風十二扇以褚遂良

枯樹賦為脚魏鄭公嘗謂遂良下筆道勁甚得逸少體質二說以驗此賦及字

勢雖無姓氏信為河南書不誣矣熙寧四年三月三十日丹揚蘇頌子容題舊

編字畫未免有差  
今一以碑本為正

殷仲文風流儒雅海內知名代異時移出為東陽太

守常忽忽不樂顧庭槐而歎曰此樹婆娑妾生意盡矣

晉書殷仲文少有才藻美容貌仲文之妻相立之姊也立

篡位以佐命親貴帝初反正抗表自解乞待罪私門詔不

許因月朔與眾至大司馬府中有一老槐樹顧之良久而

嘆曰此樹婆娑無復生意忽遷為東陽太守意彌不平後

伏誅相立父溫為大司馬立既誅夷故至如白鹿貞松

仲文見其庭槐而嘆與賦所述稍異

燔煌郡蒼松縣漢武帝置南山有松陝縣南十里有白

鹿塞地多古松白鹿棲息其下因而得名見十三州記青

牛文梓錄異傳曰秦文公伐雍州南山文梓木有青牛出

走豐水立中記云千歲之木精為青牛牛史記作伐

南山大梓根朽盤魄山崖表裏桂何事而銷亡漢武帝作賦以

悼李夫人其辭曰秋氣憊以淒戾芳桂枝落而銷亡桐何為而半死枚乘七發云龍門之桐高百尺

而無枝其根  
半死半生  
昔之三河徙殖史記唐人都河東殷人都河內周人都河南夫三河

在天下  
九畹移根楚詞余既滋蘭之九畹據此則指木蘭也  
開花建始之

殿曹操起建始殿于洛陽  
落實睢陽之園九域志睢陽郡有梁孝王東苑方三百里苑園

中有百室山  
鴈池脩竹園聲含嶰谷曲抱雲門漢書律歷志伶倫取竹之嶰谷制十二簫

以聽鳳鳴周禮大司樂雲門之舞注雲  
門黃帝樂言木中含抱自然之律呂  
將鷓集鳳比

翼巢駕臨風亭而唳鶴對月峽而吟猿以上木之得地茂盛時猶人之

年少富貴時也  
乃有拳曲擁腫盤坳反覆能彪顧眄魚龍起

伏節豎山連文橫水蹙皆古木恆形狀  
匠石驚視公輸眩目

匠石公輸班並古之良工見而異之  
雕鐫始就剗仍加平鱗鏟甲落角

摧牙重重碎錦片片真花紛披草樹散亂烟霞皆形容木

中之文若夫松子古度平仲君遷四木名也古度木不華而實子皆從皮中

出大如安石榴正赤初時可煮食平仲木子如瓠形左太冲吳都賦木則楓柳豫章平仲君迂松梓古度

注以松梓為二木今作松子蓋結實可食者出南海森梢百頃槎枿千年東京賦山無槎

枿枿即枿字五割反舊本作枿非秦則大夫受職秦始皇東封泰山風兩驟至避于松下因

封為五大夫漢則將軍坐焉東漢馮異獨屏樹下軍中号為大樹將軍莫不苔

埋菌壓鳥剥蟲穿位垂於霜露撼頓於風烟東海有

白木之廟西河有枯桑之社北陸以楊葉為關南陵

以梅根作冶四方廟社閑冶有因木得名者木今何在名則長存伊尹生於空桑豈西河地邪小

山則藂桂留人淮南王安招隱序曰招隱士者淮南小山之所作也其詞云桂樹叢生兮山之幽又

云攀援桂枝扶風則長松繫馬劉琨扶風行繫馬長

兮聊淹留

松下發鞍高岳頭

豈



獨城臨細柳之上塞落桃林之下

漢周亞夫屯細柳以備胡據匈奴傳在長

安城西左傳晉侯使詹嘉以守桃林之塞

若乃山河阻絕飄零離別拔本

垂淚

人之失國喪家流離異域猶木之拔其本根移徙它處秦虜王遷徙之漢中房陵遷思故鄉為山木

之謳聞者莫不噴淚見淮南子

傷根流血

魏志注曹瞞傳曰王使工蘇越徙美梨掘之根傷盡出血

火入空心膏流斷節橫洞口而欹卧頓山要而半折

文衰者合體俱碎

要與晉同衰古邪字

理正者中心直裂戴癭

銜瘤

癭瘤因木被傷結成癭有大如拷老車輪者剖之有文

藏穿抱穴木魅賜

睽山精妖孽

賜施隻反睽失冉反疾視貌木之妖化為鬼魅能變形觀視人鮑照蕪城賦木魅山鬼

况復風雲不感

易雲從龍風從虎君目會遇如風雲之感召

羈旅無歸未能

採葛還成食薇

未能効職於君困於祿養周詩采葛鄭氏箋采葛喻臣以小事使出史記夷齊

采薇而食之  
沉淪窮巷蕪沒荆扉既傷搖落彌嗟變衰人

困躓憔悴之際猶木之摧折枯朽時也

淮南云

淮南子劉安所為書

木葉落長年

悲斯之謂矣乃為歌曰建章三月火

項羽至咸陽燒秦宮室三月火不滅

漢武帝栢梁宮災越人勇之言當大

黃河千里槎

博物志有

起宮室以厭勝之於是作建章宮居海島者每年見浮槎往來不失期遂賈糧乘槎任其所之至犯牛女星然後知黃河與天漢通

若非

金谷蒲園樹即是河陽一縣花

言今之煨燼漂流者即前日之清蔭而繁花者

也石季倫金谷園潘岳為河陽令蒲縣栽栢李

栢大司馬聞而歎曰昔年移柳

依依漢南今看搖落悽愴江潭樹猶如此人何以堪

栢温自江陵北行經少時所種柳處皆十圍慨然嘆曰木猶如此人何以堪仲文為東陽太守在栢立既敗之後信

因其興嘆庭槐而賦末乃謂其父聞而興嘆蓋援詞以明意也

遊後園賦

謝朓

眺集云奉隨王教作齊書眺字元暉為隨王鎮西功曹轉文學隨王齊武帝子

也名子隆領鎮荊州

積芳兮選木

園林叢集眾芳遴選佳木植之

幽蘭兮翠竹上蕪蕪兮

蔭景下田田兮被谷左蕙畹兮彌望右芝原兮寫目

山霞起而削成

孫綽天台山賦赤城霞起以建標山海經太華山削成而四方

水積明

以經復於是敞風闥之藹藹聳雲館之迢迢周步檐

以升降對玉堂之沈寥追夏德之方暮望秋清之始

颯藉宴私而遊衍時晤語而逍遙

詩可與晤語鄭氏曰晤猶對也爾

乃日栖榆柳霞照夕陽孤蟬已散去鳥成行惠氣湛

兮帷殿肅清陰起兮池館涼陳象設兮以玉瑱設器玩之

屬瑱充耳也象設陳前以玉為瑱言耳目所接無非珍異國語以規為瑱詩玉之瑱也象之掃也披蘭

籍兮咀桂漿典籍薰以香草披玩以咀其芳潤仰徽塵兮美無度奉

英軌兮式如璋徽塵英軌言隨王之風儀詩彼其之子美無度孔氏曰不可以尺寸量也左傳

思我王度式如玉詩如珪如璋籍高文兮清談預含毫兮握芳謂眺自

則觀海兮為富乃游聖兮知方孟子觀於海者難為水游聖人之門者難為言

假此言王門文章之富奉命難於措辭

古文苑卷第七

古文苑卷第八

歌曲

漢昭帝黃鵠歌

淋池歌

漢靈帝招商歌

漢武帝落葉哀蟬曲

詩

栢梁詩

諸葛亮梁父吟

李陵錄別詩 八首

蘇武荅詩 二首

孔融臨終詩

雜合作郡姓名字詩

六言詩 三首

雜詩 二首

四言詩 五首

秦嘉述婚王粲思親曹植元會  
間丘冲三月三日裴秀大蜡

# 王粲雜詩四首 七哀詩

## 晉程曉嘲熱客

### 黃鵠歌

### 漢昭帝

始元元年黃鵠下太液池上為歌曰漢書昭帝始元元年春二月黃

鵠下建章宮太液池中公卿上壽按高相歌曰鴻鵠高  
飛一舉千里正謂黃鵠也羣臣以為瑞故上壽稱賀是

時帝初即位年九歲黃鵠飛兮下建章羽肅肅兮行蹉蹉

金為衣兮菊為裳唼喋荷荇上林賦唼喋菁藻唼

出入蒹葭叶韻合作蒹葭子虛賦其卑濕則生蒹葭蒹葭音蒹郎自顧非薄愧

爾嘉祥



淋池歌使宮人歌之

三輔黃圖昭帝始元元年穿淋池廣千步東引太液之水池中植分枝荷一莖四葉狀如駢蓋每遊燕出入或剪以為衣或折以障日以為戲弄帝時命水嬉以文梓為船木蘭為柁刻飛鸞翔鷁飾於船首隨風輕漾畢景忘歸按昭帝幼冲嗣位天安儘高輔導承弼者無其人至忘無逸之戒溺於流連遊戲之樂歌詞有雲光開曙之句蓋通夕徹曉也其意猶以為未足卒損德性遽天天年豈不惜哉

秋素景兮泛洪波揮纖手兮折芰荷涼風淒淒揚棹歌雲光開曙月低河萬歲為樂豈云多

招商歌

漢靈帝

秋屬金於五音為商招商者迎秋音之至也晉王嘉拾遺記漢靈帝起裸游館于間渠水繞砌蓮大如蓋長一丈其葉夜舒晝卷名夜舒荷官人靚粧解上衣著內服或時裸浴其荒淫若此欲不亡得乎

涼風起兮日照渠青荷晝偃葉夜舒惟日不足樂

有餘清絲流管歌玉鳧

絲管琴瑟簫笛之屬玉鳧曲名

千年萬歲

嘉難踰

### 落葉哀蟬曲

### 漢武帝

此曲必為李夫人作外戚傳云李夫人少而蚤卒上思念不已令方士齊人少翁夜致其神作詩令樂府諸音家絃歌之

羅袂兮無聲玉墀兮塵生虛房冷而寂寞落葉依

於重扃望彼美之女兮安得感余心之未寧

詩

栢梁詩

漢武帝元封三年作栢梁臺詔羣臣二千石有能為

七言詩乃得上座

三輔黃圖栢梁臺武帝元鼎二年春起此臺在長安城中北關內三輔舊事

云香栢為梁也帝嘗置酒其上詔羣臣和詩能七言者乃得上與此所紀之年不同蓋栢梁建於元鼎二年登臺賦詩乃元封

也三年

日月星辰和四時

皇帝駢駕駟馬從梁來

梁王武

郡國士

馬羽林材

大司馬漢制郡國之兵有材官騎士營衛之兵有期門羽林據百官表元狩四年衛青為大司馬大將軍

霍去病為大司馬驃騎將軍至六年總領天下誠難治

丞相石慶

去病薨是時青兼二職詩亦再賡邪

治平聲下同和撫四夷不易哉大將軍刀筆之吏臣執之御

大夫撞鍾伐鼓聲中詩太常宗室廣大日益滋宗正

國周衛交戟禁不時衛尉總領從官栢梁臺光祿勳

平理請讞決嫌疑廷尉修飭輿馬待駕來太僕郡

國吏功差次之大鴻臚乘輿御物主治之少府陳粟

萬石揚呂箕大司農徼道宮下隨討治執金吾三輔

盜賊天下危左馮翊輔言夾輔帝居不可有盜賊盜阻南

山為民災右扶風是時帝從事四夷天下騷外家公主不

可治京兆尹漢書竇嬰田蚡傳上曰俱外家故廷辨之嬰景

館陶長公主主太后女平陽南宮隆慮三公主皆恣椒房率

橫不法是時嬰蚡俱已死太后已崩故京兆敢云

更領其材詹事陳掌巒夷朝賀常舍其典屬國柱枅薄櫨

相枝持大匠枇杷橘栗桃李梅太官走狗逐兔張罟

置上林齧妃女唇甘如飴郭舍人迫窘詰屈幾窮哉東方

朔朔善諧謔此語蓋戲弄羣臣也按此詩羣臣各以其職詠一句無甚理致其間亦有敢言隱然寓規儆之意者齊

梁間多倣其體而骨氣寢不及

### 古梁父吟舊注中都縣有田強古諸葛亮

三國志諸葛亮躬耕隴畝好為梁父吟歐陽詢藝文類聚載此篇云蜀志諸葛亮梁父吟又云陳武

別傳曰武學泰山梁父吟則其聲調世傳之久矣梁父泰山傍小山丘墓所在

步出齊城門遙望蕩陰里里中有二墓累累正

相似問是誰家墓田強古冶子力能排南山文一作是

能絕地紀一朝被讒言三桃殺三士

晏子曰公孫捷田開疆古冶子事景

公勇而無禮晏子言於公餽之二桃曰三子計功而食桃公孫捷曰吾再拜隱虎功可以食田曰吾杖兵而御三軍者再功可以食古冶子曰君當濟河鼃銜左驂治潛行水底逆流百步從九里得鼃頸功可以食二子曰吾勇不若子功不逮子取桃不讓是貪也然而不死無勇也刎頸而死治曰二子死之治獨不逮又刎頸而死古人贈賜如素絲表其潔白疋絹使之自裁皆因物寓意三士與二桃猶言二可逃誰能為此謀國相齊死不能免三子乃爭先就死惜哉

晏子

晏嬰齊之名相乃有殺士之醜史傳不載豈為賢者諱邪或曰曹操既殺孔融楊修又送禰衡於荊州假

手黃祖三子者天下之望也武侯梁父吟殆為此設

錄別詩

眉山蘇氏曰劉子玄辨文選所載李陵與蘇武書非西漢文蓋齊梁間文士擬作者也吾因悟陵與蘇武贈答五言亦後人所擬又云齊梁文章衰陋而蕭統尤為卑弱文選引斯



可見矣如李陵書蘇武五言皆偽而不能辨以前詩為非真則此數篇不言可知

有鳥西南飛謂陽鳥熠熠似蒼鷹言飛之疾朝發天

北隅暮聞日南陵北隅匈奴也南盛明之地欲寄一

言去託之牋綵繒因風附輕翼以遺心蘊蒸蒸蘊

猶鬱陶也言思我之人鳥辭路悠長羽翼不能勝意欲從鳥

逝駑馬不可乘

爍爍三星列三星參也秋分後見於東方拳拳月初生拳拳曲貌寒

涼應節至蟋蟀夜悲鳴晨風曉風也動喬木枝葉

日夜零遊子暮思歸塞耳不能聽遠望正蕭條

百里無人聲豺狼鳴後園虎豹步客庭遠處天一

隅苦困獨零丁親人隨風散歷歷如流星三革離

不結蘋藻萍皆浮水而生根不着土以喻此身之漂流思心獨屏營願得萱

草枝萱忘憂草也詩焉得諼草言樹之背以解飢渴情

寂寂君子坐奕奕合眾芳猶言眾賢也離騷固眾芳之所在注眾芳諭羣

賢温聲何穆穆因風動馨香清言振東序良

時著西庠初武兄弟並為郎後以中郎將使匈奴此言武在漢庭時議論出諸人之右今羈旅異域無復

羣賢蓋簪之樂故首句稱寂寂君子坐温和也詩穆如清風乃命絲竹音列席無

高唱悲意何慷慨清歌正激揚長哀發華屋四

坐莫不傷

晨風鳴北林晨風鷗也陸機疏曰鷗似鷓青黃色詩駘彼晨風鬱彼北林熠燿東南

飛熠燿螢火也詩熠燿宵行晨飛之鳥鳴於幽陰夜行之蟲向陽而飛言物不得其宜以諭身之失所寄也願言

所相思日暮不垂帷明月照高樓想見餘光輝玄

鳥燕也亦名鳥夜過庭髮髻能復飛褰裳路踟躕彷徨

不能歸浮雲日千里安知我心悲思得瓊樹枝以

解長渴飢淮南子崑崙山有曾城九重上有珠樹玉樹

陟彼南山隅送子淇水陽爾行西南游我獨東北

翔轅馬顧悲鳴五步一彷徨雙鳧相背飛相遠

日已長雙鳧以比蘇李一體人因去留有南北之異遠望雲中路想見來

圭璋雲中近塞郡名圭璋所以通好萬里遙相思何益心獨傷隨

時愛景耀願言莫相忘

鍾子歌南音

楚人鍾儀繫於晉晉侯與之琴操南音公曰樂操土風不忘舊也遂釋之事見左傳

仲尼歎歸與

論語子在陳曰歸與歸與

戎馬悲邊鳴遊子戀

故廬陽鳥歸飛雲蛟龍樂潛居

言物之飛潛各欲遂其性禹貢陽鳥

攸居謂鴈也

人生一世間貴與願同俱身無四凶罪何為

天一隅

堯時四凶以罪投四裔

與其苦筋力必欲榮薄軀不如

及清時策名於天衢

易何天之衢亨文選陵谷武書云策名清時榮問休暢言己不

若武之全節而回身名俱榮

鳳凰鳴高岡有翼不好飛安知鳳凰德貴其來

見稀

闕

紅塵蔽天地白日何冥冥

闕

荅詩

蘇武

童童孤生柳寄根河水泥

童童獨立貌柳易衰之木又托根浮淺諭此身脆弱

客寓異域連翩遊客子于冬服涼衣去家千里餘一身

常渴飢寒夜立清庭仰瞻天漢湄寒風吹我骨

嚴霜切我肌憂心常慘戚晨風為我悲瑤光游

何速

瑤光言光陰之可寶

行願支荷遲仰視雲間星忽若割

長帷

如發蒙蔽而有所睹

低頭還自憐盛年行已衰依依戀

明世愴愴難久懷

別李陵

雙鳧俱北飛一鳧獨南翔子當留斯館我當歸故

鄉一別如秦胡會見何詎央愴恨切中懷不覺淚  
沾裳願子長努力言笑莫相忘

臨終詩

孔融

本傳融為太中大夫見曹操雄詐漸著頻  
書爭之多致乖忤又奏宜準古王畿之制  
千里寰內不以封建諸侯操疑其所論建  
漸廣並憚之郝慮承旨以微法免融又令  
路粹枉奏融下獄棄市眉山蘇氏云世之  
議公者皆以臨難不懼談笑就死為雄為  
之贊曰我宗若人尚友千  
祀視公如龍視操如鬼

言多令事敗器漏苦不密

易曰君不密則失臣臣  
不密則失身機事不密

則害成文舉豈  
至此方悟邪

河潰蟻孔端山壞由猿穴

言國家敗  
壞皆起於

不能防  
微杜漸

涓涓江漢流天窻通冥室

涓涓小水能益江  
漢天窻容隙能通



暗室言已之寸忠或讒邪害公正浮雲翳白日靡辭  
能裨國事開人心也

無忠誠華繁竟不實人有兩三心安能合為一

言不忠之人常懷二三人成市虎市郝慮路粹相與構成已罪以虛為實猶

三心安能與我心合言市中有虎也市浸漬解膠漆膠漆猶可解况相信之心本不固邪生

虎事見戰國策  
存多所慮長寢萬一作方事畢長寢猶長夜也

### 離合作郡姓名字詩

漁父屈節水潛匿方離魚字與時進止出行施張離日

字魚日合成魯呂公磯釣盍口渭旁離口字九域有聖無土不

王離或字口或合或國好是正直女回于匡離子字海內有截隼

逝鷹揚當離乙字恐古文與今文不同合成孔也六翮將奮羽儀未彰離

字蛇龍之螫俾也可忘離虫字合成融玫瑰陰曜美玉韜

光去玉成文不須合無名無譽放言深藏離與字按轡安

行誰謂路長離才字合成舉此以文為戲後人多倣之如眉山蘇氏離合硯蓋字云研石猶在峴山已

頽姜女既去孟子不來充為簡妙漢上黨郡有石研關音刑

### 六言詩三首

文舉平時譏嘲慢侮曹操如待小兒天子在許無異羈囚操弑伏后鳩二皇子人神共憤此詩

稱美不暇又率直畧无含蓄必非其真本傳稱魏文帝深好融文每歎曰揚班儔也人有上融

文章者賞以金帛豈好事者假此以說丕邪

漢家中葉道微董卓作亂乘衰僭上虐下專威

萬官惶怖莫違百姓慘慘心悲漢靈帝崩董卓廢太子辯立獻帝自

為相國專  
權用事

郭李分爭為非遷都長安思歸瞻望關東可

哀夢想曹公歸來

獻帝初平元年二月遷都長安卓發掘洛陽諸帝陵三年誅董卓部

曲將李傕郭汜等反陷長安城僉汜爭權治兵相攻僉迎帝幸其營燒宮殿官府

從洛

光武攻洛為雒東漢人不用此洛字魏初下詔去佳加水到許巍巍曹貝公輔

國無私減去厨膳甘肥羣僚率從祈祈雖得俸

祿常飢念我苦寒心悲

建安元年揚奉韓暹奉車駕至雒陽時宮室燒盡百官披荆棘依墻

壁間州郡委輸不至羣僚乏食曹操在許謀迎天子乃將兵詣雒陽引董昭問計遂遷都許

### 雜詩二首

巖巖鍾山首

十洲記鍾山在北海干地仙家種芝巖巖高峻貌鍾山之顛至北極寒之所

赫赫炎天路

淮南天文訓天有九野去地五億萬里南方曰炎天赫赫熾盛貌二句言世道

炎涼之相絕 高明曜雲門遠景灼寒素

雲門謂門第穹崇上

侵雲漢遠景猶餘光也二句指勢位隆盛者氣焰之所薰灼

昂昂累世士結根

在所固

昂昂特貌累世猶間世也豪傑之士累世一生活植根秉節在我者貞固不為世俗炎涼

移所 呂望老匹夫苟為因世故

呂望年八十一釣於蟠溪

值殷之末遂佐周興王因時就功所為亦苟矣 管仲小囚臣獨能建功

祚

魯殺子糾管仲請囚卒相齊桓九合諸侯同尊周室以立伯功

人生有何常

但患年歲暮幸託不肖軀且當猛虎步

疇

多雄肆毒

安能苦一身與世同舉厝由

不慎小節庸夫笑我度

文舉儻尚氣不拘小節不知者謂之志廣才踈

呂

望尚不希夷齊何足慕

呂望貪功夷齊徇名二者皆非所志是時曹操勢燄薰灼上下

士大夫爭趨附之文舉獨立頹波中屹然砥柱壯哉

遠送新行客歲暮乃來歸入門望愛子妻妾向人悲

聞子不可見日已潛光輝孤墳在西北常念君來遲

褰裳上墟丘但見蒿與薇白骨歸黃泉肌體乘塵飛

生時不識父死後知我誰孤魂遊窮暮飄飄安所依

人生圖享息爾死我念追俛仰內傷心不覺淚沾衣

人生自有命但恨生日希

文舉遇害男女長幼九四子操皆殺之此子歿於孩提史不載

### 四言詩五首

述婚

秦嘉

婚禮合二姓之好為人倫之端家道之本當謹其始

羣祥既集二族交歡敬茲新姻六禮不愆儀禮婚有六禮納采

問名納吉納徵請期親迎羔鴈摠備玉帛芟芟羔鴈玉帛所以將其禮易束帛芟芟

在干切君子將事威儀孔閑猗兮容兮穆矣其言子

謂主婚及掌判者親迎婿之女家前五禮必有介有賓紛彼婚

姻禍福之由衛女與齊褻姒滅周齊威始立衛姬為夫人伯業以與列

女傳威公好淫樂衛姬為之不聽鄭衛之音幽王以褻女為后卒致犬戎之禍詩赫二宗周褻姒滅之

戰戰兢兢懼德不仇神啓其吉果獲令攸我之愛矣

荷天之休男女各懼其德不足以相配則思自警敕終受天佑

思親為潘文則作 王粲



摯虞文章流別云王粲所與蔡子篤及文叔良士孫文始揚德祖詩及所為潘文則作思親詩其文當而整皆近乎雅矣贈楊脩詩今士三贈詩入選

穆穆顯妣德音徽止思齊先姑志倅姜妣躬此勞瘁

鞠予小子

詩思齊大任文王之母大妣嗣徽音大妣文王妣邑姜武王妣文則自稱其母有和順之

德能承先姑志同周之姜妣勤勞以撫育其子

小子之生遭世罔寧列考勤

時從之于征奄遘不造殷憂是嬰

烈考自稱其父也遭時亂離父征役

于外已從行而父死不造謂家道不成也詩遺家不造嫗二在疚

咨予靡及退守祧

祊五服荒離四國分爭禍難斯逼救死於頸

已嗟痛弗及期

歸守祭祀而禍乱益甚書弼成五服詩洽此四國皆言天下之廣漢末海內分裂日尋干戈不保首領

嗟我懷歸弗克弗逞聖善獨勞莫慰其情春秋代逝

于茲九齡聖善謂母也詩母氏聖善母獨勞于家迨今年緬彼行路焉託

予誠予誠既否委之于天庶我剛妣克保遐年粵疊

惟懼心乎如懸道涂莫寄人子之情惟天佑之庶俾強健之母克享其壽此心常懸掛不

安如何不弔早世徂顛於存弗養於後弗臨遺愆在

體慘痛切心形景尸立奄爽飛沉詩不弔昊天鄭氏箋猶不善也言不

為天所佑早世傾逝子生不能養死不獲臨哀痛罔極在昔蓼莪哀有餘音我

之此譬言憂其獨深小雅蓼莪之作孝子不得終養也言已之哀痛比蓼莪尤甚蓼音六

胡寧視息以濟于今巖巖藪險則不可摧何能存此餘生以至

今日險難叢集莫可推抑仰瞻歸雲俯聆颺回飛焉靡翼超焉

靡階觸目傷懷恨身羈繫思若流波情似坻頽詩之作矣情以

告哀

元會

曹植

晉禮志漢儀有正會禮正且受賀公侯以下執贄來庭二千石以上升殿稱萬歲後作樂宴饗魏帝都鄴正會文昌殿用漢儀此詩止述宴饗之禮

初歲元祚吉日惟良乃為嘉會宴此高堂衣裳鮮潔

黼黻玄黃珍膳雜遯充溢圓方黼黻貴者之服卑黃賤者之服圓方進饌

之俯視文軒仰瞻華梁願保茲善千載為常衣服之美飲饌

之盛宮室之麗君日相與歡宴必思有以保之然後能長世享此歡笑盡娛樂哉未

央皇室榮貴壽考無彊歡樂有度存不盡之意則朝廷尊榮享國長久

三月三日應詔問丘冲

續齊諧記晉武帝問三日曲水其義何指東  
晉對曰昔周公卜城洛邑因流水以汎酒故  
逸詩曰羽觴隨波又秦昭王三月上巳置酒  
河曲乃因其地立爲曲水二漢相公皆爲盛

集晉世多於是日幸華林  
園賜宴仍命羣臣賦詩

暮春之月春服既成論語暮春者春服既成浴乎沂風乎無雩升陽潤土

冰渙川盈詩溱與洧方渙渙兮餘萌達壤嘉木敷榮

后皇宣遊既讌且寧光光華輦洗洗從臣微風

扇穢朝露翳塵上蔭丹幄下籍文茵臨池挹盥濯故

潔新俯鏡清流仰睇天津藹藹華林巖巖景陽

陸翹鄴中記華林園中千金隄池通御溝梁簡文帝三日  
曲水詩序晉集華林同文軌而高宴景陽山在華林園中

葉葉峻宇奕奕飛梁垂蔭倒景若翺若翔棟宇高峻日月

反在下故  
云倒景

浩浩白水汎汎龍舟皇在靈沼日辟同遊擊權清

歌鼓柷行謳聞樂咸和具醉斯柔言人心悅順君臣有禮在昔帝

虞德被遐荒干戚在庭苗人來王書舞干羽于兩階七旬有苗格今我

哲后古聖齊芳惠此中國以綏四方詩大雅之詞元首既明

股肱惟良樂只君子今日惟康書元首明哉股肱良哉庶事康哉

### 大蜡

裴秀字季彥河東聞喜人晉書有傳

禮記郊特天子大蜡八蜡也者索也歲十二月合聚萬物而索饗之也八蜡以記四方年不順成八蜡不通以謹民財也順成之方其蜡乃通所以移民也

日躔星紀大呂司辰立象改次度眾更新月令季冬日在婺女律中

大呂星紀牛女之次天象度數至此而周將更其端歲事告成八蜡報勤一歲之事告成蜡以致報

禮記注所告成伊何年豐物阜豐裡孝祀介茲景福祭有八神

豐裡謂祭八神孝祀謂祭先祖禮記注既蜡臘先祖五祀報勤伊何農功是歸穆穆

我后矜茲蒸黎飲饗清祀四方來綏報農功終歲之勤故以民為重商名

臘日清祀蜡臘畢舉四方均通充物郊甸鱗集京師交蜡質遷紛葩

相追摻袂成幕連衽成帷有肉如丘有酒如泉有

肴如林有貨如山通四方之物貨使之交易質遷禮記日既蜡而收民息已注收謂收斂積

聚率土同懽和氣來臻朔風叶順降祉自天方隅清

謐嘉祚日延與人優游享壽萬年天時協序民物阜康終致祝詞於君

雜詩四首

王粲

吉日簡清時從君出西園方軌策良馬粲辟丞相祿多與世子平

臨菑侯植游方軌並駕也並驅厲中原北臨清漳水西看栢揚山

清漳水名出上黨鄴郡有臨漳縣栢揚山丘墓所聚之地詩有子在川上歎逝者之意回翔遊廣囿

### 逍遙波水間

列車息衆駕相伴綠水湄幽蘭吐芳烈芙蓉發紅暉

百鳥何續翻振翼羣相追投網引潛魚強弩下高飛

白日已西邁歡樂忽忘歸動植飛潛各遂其性無非天地生生之意人乃以好殺為樂而

不知止亦不仁矣

聯翻飛鸞鳥獨遊無所因惡人成羣賢者欲出而不可毛羽照野草

哀鳴入層雲名譽已著而高舉遠引哀鳴者非其本心也我尚假羽翼飛覩



爾形身願乃春陽會交頸溝般勤言賢哲知時遠引已欲從之游也陽

春會謂俟時之泰

鷲鳥化爲鳩遠竄江漢邊遭遇風雪會託身鸞鳥鳳

間鷲鳥比貪毒小人鸞鳥比君子詳味詩意當時或有所指天姿既否戾受性又不

閑邂逅見逼迫俯仰不得言言小人處君子之羣能化其形而不能革其心也

### 七哀詩

黎集七哀詩六首其二詩入選

邊城使心悲昔吾親更之冰雪截肌膚風飄無止

期百里不見人草木誰當遲遲與治同皆平聲謂芟除之也

登城望亭隧翩翩飛戍旗行者不顧反出門與家辭

子弟多俘虜哭泣無已時征役死亡者不復反子弟在天家者又為俘囚故哀傷之

下盡樂土何為久留茲蓼蟲不知辛去來勿與認

蓼辛草生其中習其氣味譬邊塞人久習風土不以為怪詩予又集于蓼

### 嘲熱客

程曉 晉人唐藝文志有程曉集二卷

平生三伏時漢時東方朔傳伏日顏師古曰三伏之日也按曆家以六月節至立秋後三庚日為三伏自秦

始言陰氣將起金畏於火故至庚日必伏庚金也道里無行車閉門避暑卧出

入不相過只今襍襪子音耐戴言不棄豁也類說觸熱到集韻襍襪不曉事之名

人家主人聞客來頓感柰此何謂當起行去安坐正

咨嗟所說無一急嗜嗜吟何多搖扇髀中疾振搖兩股流

汗正滂沱莫謂為小事亦是一大瑕傳戒諸高明熱

行宜見呵

世說曰郗嘉賓三伏之日詣謝公炎暑熏赫雖復當風交扇猶沾汗流離謝着數綃衣食熱白

粥晏然無異與此詩嘲諷之意殊矣

古文苑卷第八



古文苑卷第九

齊梁詩四十五篇

添入一首阻雪連句合成一首

王融侍遊方山應詔

遊僊詩

五首

奉和南海王詠秋胡妻

七首

棲玄寺聽講畢遊邸園

別蕭諮議

四首

任昉

王延

宗史

王融

蕭諮議行荅

蕭記室琛應教

王融和王友德元古意

二首



餞謝文學

六首

沈約  
王融

虞炎  
蕭琛

范雲  
劉繪

謝文學眺峇

王融寒晚敬和何徵君點

別王丞僧孺

范雲學古貽王中書

王融雜體報范通直

沈右率座賦三物為詠

三首

謝眺  
沈約

王融

王融奉和月下

秋夜長

四色詠

兩頭織織

代徐二首

詠梧桐

王融池上梨花

劉繪和

阻雪連句遙贈和

謝朓 江革 王融 沈約

唐人木蘭詩

附

侍遊方山應詔

王融

字元長琅邪臨沂人

輿地志湖熟西北有方山山頂正方上有池水按齊書武帝嘗幸方山顧左右欲經始山南為離宮以徐孝嗣之對而止應詔奉君命作也

巡躅望登年帳飲臨秋縣

巡躅遊幸之轍跡也言省耕省歛為農而出所望年

豐也漢書高祖過沛帳飲三日王制天子之縣內畿邑也

日羽鏡霜淥

家語赤羽若日羽旌旗也

霜淥雲旗落風甸

王制千里之內曰甸言旗幟如雲連亘者遠

四瀛良在

目八寓婉如見

盛言山之高四瀛四海也孟子登太山而小天下

小臣竊自

嘉預奉栢梁讌

武帝栢梁臺讌羣臣詔令和詩見前註

### 遊仙詩

五首

遊仙者謂軀身遠舉超出人間世與羣仙遊遊也晉宋間人多作此詩融集云應教按史齊武帝時竟陵王子良為護軍將軍兼司徒領兵置佐鎮西州才雋之士皆遊集其門融與范雲蕭琛任昉蕭衍謝朓沈約陸倕並以文學尤見親待号曰八友應教蓋奉子良之命而作

桃李不奢年桑榆多暮節

桃李論盛年桑榆言晚景

常恐秋蓬

根連翩因風雪習道遍槐岷追仙度瑤碣

槐岷瑤碣

仙家境界綠帙啓真詞丹經流妙說

綠帙丹經仙家之書

長河



且已榮

榮者草木之榮華猶言海變桑田

曾山方可礪

曾與層同漢書泰山若礪

叶韻入聲列

獻歲和風起

獻歲始歲元日也周禮正月之吉始和

日出東南隅鳳斨

亂煙道龍駕溢雲區

鳳羽為旗以龍引車楚詞龍駕兮帝服又孔蓋兮翠辇

結

賞自負嶠移讌乃方壺

負嶠方壺海中神山僊家居其上

金卮浮水

翠玉竿挹泉珠徒用

一作由

霜露改終然天地俱

命駕瑤池隈

西王母宴周穆王於瑤池之上

過息羸女臺

秦穆公女弄玉能吹

簫作鳳吟常居臺上後乘鸞仙去羸秦姓

長袖何靡靡簫管清且哀壁

門涼月舉珠殿秋風迴

壁門珠殿神仙之所居

青鳥鴛高羽

王母停玉盃

青鳥西王母之使青鸞來迎王母停盃以待之

舉手暫為別

喬乘白鶴於緜氏山頭  
舉手謝時人而去  
千年將復來  
搜神記有鶴書遼東城門華表

柱曰丁令威去家千歲今來歸

湘沅有蘭芷洎吾欲南征  
湘沅二水名皆在江南楚詞湘夫人篇沅有芷兮澧

有蘭澧亦水名遺珮長出浦  
楚詞遺吾珮兮澧浦韓詩外傳鄭交甫遵彼漢皋遇二女珮珠而遊

解珮以遺交甫舉袂望增城  
崑崙山有閩風增城皆神仙所居朱霞拂綺樹

白雲照金楹五芝多秀色  
五色芝也本草芝生於五岳各如其方之色言仙境

五色芝並秀八桂常冬榮  
山海經曰桂林八樹在賁隅東楚詞麗桂木之冬榮弭節且夷

與參差聞鳳笙  
與平声夷與猶徜徉也鳳笙王子喬事

命駕隨所即燭龍導輕驪  
燭龍駕日之神言仙者驪御所至燭龍為之引

導沙澤振寒草弱水駕冰潮  
沙澤流沙也西母瑤池有沙澤之阻海中

神山有弱水之隔振寒  
草駕冰潮言命駕可到  
遠翔馳聲響流雪自飄飄

仙境出乎日月之表多寒穆天子傳天子遊  
黃臺之丘驚於革澤日中大寒北風雨雪  
忽與若

人遇融集作若士神仙傳盧敖見若士謂敖曰吾與汗漫期於九垓之外不可久留  
長舉入

雲霄羅繹徒有睨鷦明已寥寥鷦明似鳳南方神雀揚子鷦明冲天言仙

舉者如神禽之運寥廓非世網所可羈絆

奉和南海王殿下詠秋胡妻齊武帝子

魯秋胡子納妻五日而去官於陳五年乃歸未至其家見路傍有美婦人方採桑秋胡子

悅之下車謂曰力田不如逢少年力桑不如見公卿吾有金願以贈夫人婦人曰噫妾採

桑奉二親不願受人之金秋胡子遂去至家奉金遺母婦晚而至乃向來採桑者婦曰子

辭親往仕五年乃還而悅路旁之婦人解子裝金以與之而忘其母也妾不忍見不孝之

人遂去走投於河而死見列女傳

日月共為照

喻夫婦之道相須而成

松筠俱以貞

婦人之義從一而終佩

紛甘自遠

佩左紛悅右箴管之屬詩女子有行遠父母兄弟

結鏡待君明

結鏡

嫁時裝具妻稱夫曰君

且協金蘭好

易二人同心其利斷金同心之言其臭如蘭

方愉

琴瑟情

詩妻子好合如鼓琴瑟

佳人

猶良人也

忽千里幽閨積

思生

其一

景落中軒坐悠悠望城闕高樹升夕煙層樓

滿初月光陰非或異川山屢難越輟泣拚鈿姿

搔首亂雲髮

詩自伯之東首如飛蓬

其二

傾鬼屬祖火

傾鬼殘月也祖火暑將退也詩六月祖暑夏屬火

搖念待方

秋涼氣承宇結明熠倬皆流

明熠螢也詩熠耀宵行

三星

亦虛映

三星參也婚姻之候獨處故言虛映

四屋慘多愁

四屋猶

思

君如萱草一見乃忘憂

其三

杼柚鬱不諧契闊彌新故

詩死生契闊言一歲將周

朔風欄上

發寒鳥林間度客遠乏衣裘歲晏饒霜露參差

興別緒依遲起離慕

其四

願言如可信行邁亦云反睇景不告勞瞻途寧  
遽遠何以淹歸轍蠶妾事春晚送目亂前華馳  
心迷舊婉言秋胡眩惑顏色此心已馳不省其妻舊時婉變之容

其五

椒珮容有結振芳跂路隅黃金徒以賦白珪終

不渝

婦節堅貞如白珪之不可變

明心良自皎安用久踟蹰

車及粉巷流日下西虞

日沒之地謂之虞淵粉巷里巷也植粉榆以為表言

歸至里巷日已西墜

其六

披帷揚有忘出門遲所欲

遲去聲待也言待其妻之歸

彼美後

來儀慙顏變欣矚蘭艾隔芳臭涇渭分清濁蘭香

草艾白蒿也楚詞戶服艾以盈要兮謂幽蘭其不可

佩涇水濁渭水清詩涇以渭濁薰猶不可同器涇渭

不容混流以論胡去去夫人子請殉川之曲去去

妻不願與胡同居去去夫人子請殉川之曲去去

之也朝錯父曰吾去公歸矣夫人子指

胡不能奉其親遂自投於水生葬曰殉

### 其七

舊本止六首今據

### 栖玄寺聽講畢遊邸園

齊史竟陵王子良篤好釋氏招致名僧講論

佛法道俗之盛江左未有故其寮佐俱往僧

寺聽講子良闢西邸

以招文學邸中有園

道勝業茲遠心閑地能隙桂嶮鬱初栽蘭墀坦

將闢虛檐對長嶼高軒臨廣液液池芳草列成



行嘉樹紛如積流風轉還逕還音旋謂清煙泛

喬石日泊山照紅松映水華碧暢哉人外賞遲

遲眷西夕

### 別蕭諮議

衍

梁書武帝諱衍字叔達南蘭陵中都里人姓蕭氏初仕齊累遷隨王鎮西諮議參軍隨王

名子隆齊武帝子置鎮荊州衍赴鎮時同列以詩送別今觀賓主倡訓皆流連惜別無激

昂為國之志足見江表七夫宴安江沱氣象

任殿中昉南史任昉字彥升樂安博昌人時為殿中郎

離燭有窮輝別念無終緒歧言未及申離目已

先舉揆景巫衡阿景目也言計日至臨風長揪浦地名也

浮雲難嗣音徘徊悵誰與儻有關外驛聊訪狎

鷗渚

邊鎮有關以防不虞言已無意功名當求閑退後有驛使至關外可訪諸鷗鷺之羣狎鷗見列子

王延

霏雲承永夜皓燭鴛離軒執酒愴誰與舉袖默  
何言忍茲君爲別如此歲方暄年深北岫時鳥  
思南國園南國指帝都金陵也江上愁別日階下樹芳蓀

宗記室史

別酒正參差乖情將陸離悵焉臨桂苑憫默瞻

華池

桂苑華池皆游樂之地以離緒方結對之悵憫輕雲流惠采時雨亂清

漪眇眇追蘭逕悠悠結芳枝眷言終託何心寄

方在斯

王中書融

齊書融少而警慧博涉有文才舉秀才尋遷中書郎

徘徊將所愛惜別在河梁

謂携寵愛之姬妾李陵別蘇武詩携手上河梁游子

暮何

之 衿袖三處隔

諮議與諸賢別及姬侍有不隨行者明日成三處

江山千里

長寸心無遠近邊地有風霜

齊與元魏為敵國故荊州為邊地

勉哉

勤歲暮敬矣事容光山川殊未懌杜若空為芳

言山川悠遠離思方結非遺以香草能悅懌其情楚詞芳洲兮杜若將以遺兮下女注采香草以遺其下之侍女

蕭諮議衍荅

問我去何節光風正悠悠蘭華時未晏舉袂徒

離憂緩客承別酒鳴琴和好仇

前詩謂將所愛者詩窈窕淑女君子

仇好清宵一已曙藐爾泛長洲言天色才曉即解舟前邁眷言無

歇緒深情附還流還音旋 = 流回潮也自金陵西上潮至彭浪磯而回

蕭記室琛前夜以醉乖例今晝由醒敬

應教琛在才雋八友之數即夕被酒無詩此篇續寄應教蓋隨王子隆促之使賦

落日揔行轡薄別在江干遊客無淹期長洲有

急瀾言潮至即解纜分手信云易相思誠獨難之子兩

特達伊余日盤桓詠此式微歲共賞階前蘭詩式

微式微胡不歸又采薇詩曰歸曰歸歲亦陽止言當早歸共賞芳時

和王友德元古意二首舊注沈右率等並和數十人文多不載

齊書德元王晏之子也有意尚至車騎長史忠且不忘其君猶貞婦之思念其良人騷雅

比興皆然二詩  
蓋擬古遺意

王融

遊禽暮知反行人獨未歸坐銷芳草氣空度明

月暉頰容入朝鏡思淚點春衣空山采雲合淇

上綠條稀宋玉所賦高唐巫山之雲衛詩送我乎淇之上矣皆合之不以正者待君

竟不至秋鴈矍矍飛睹物感時

霜氣下盟津秋風度函谷盟津一曰孟津在河北函谷關在弘農縣一處行人

往來之衝也念君淒已寒當軒卷羅縠織手廢裁縫曲

鬢罷膏沐詩余髮曲局豈無膏沐誰適為容千里不相聞寸心鬱

紛蘊平聲况復飛螢夜木葉亂紛紛論小人乘間以亂政

餞謝文學離夜

齊書謝朓字元暉陳郡夏陽人少好學文章  
清麗爲隨王鎮西功曹轉文學隨王子隆在  
荊州好詞賦數集僚友朓以文才尤被賞愛  
蓋朓自京趨荊州時同朝諸賢以詩餞別也

後至吏部郎

沈右率約

南史沈約字休文仕齊爲太子右率遷國子祭酒

漢池水如帶巫山雲似蓋

左傳楚國漢水以爲池漢書黃河如帶巫山高唐之雲宋玉嘗

賦之魏志文帝生時有雲青色園如車蓋

瀨汨背吳潮潏潏橫楚瀨

言舟行自

吳入楚荊州故楚地也

一望沮漳水寧思江海會

漳水在南郡當陽縣與沮水合

流屬荊州境言人遠別不若衆水會于江海爲可期也

以我徑寸心從君千里外

### 虞駕部

謝宣城集附載餞別詩共七首此詩云虞別  
駕炎又有和竟陵王望雷居士精舍及詠簾

詩皆炎作也

差池驚始飛，羃歷草初輝。

詩燕于飛，差池其羽。羃歷稠密覆地也。春日日照映百草。

生輝離人悵東顧，遊子愴西歸。

荆州在金陵之西

清潮已駕渚。

溥露復沾衣，一乖當春聚。方掩故園扉。

### 范通直雲

南史范雲字彥龍，南郡武陰人，有識具，善屬文。通直蓋倡和時職銜，後仕梁官至尚

書右僕射領吏部

陽臺霧初解。

雲陽之臺，宋玉賦朝朝暮暮陽臺之下。

夢渚水栽綠。

雲夢澤之

洲渚左傳楚子田于江南之夢

遠山隱且見，平沙斷還續。分絃饒。

苦音別唱多，淒曲爾拂後車塵。

謂參陪副車之人當蒙振拔脫去塵

矣我事東臯粟。

己當納祿求閑從事農畝陶淵明詩種苗在東臯



王中書駢

所知共歌笑

論語舉尔所知謂心相孚之人也

誰忍別笑歌離軒思

黃鳥

綿蠻詩曰綿蠻黃鳥止于丘阿道之云遠我勞如何言行役之勞思若黃鳥之得所止

分渚菱

音愛菱葑草盛也

青莎翻情結遠旆灑淚與行

波春江夜明月還望情如何

蕭記室琛

執手無還顧別渚有西東荆吳眇何際煙波千

里通春筍方解箨弱柳向低風相思將安寄悵

望南飛鴻

荊州在金陵西北望南飛鴻俟音書之至

劉中書繪

齊書繪字士章永明末京邑人士  
盛爲文章談義繪爲後進領袖

汀洲千里芳朝雲萬里色悠悠在天隅之子去  
安極春潭無與窺秋臺誰共陟不見一佳人徒  
望西飛翼欲寄音書

### 謝文學荅

眺長五言沈約嘗云  
二百年來無此詩也

春夜別清樽江潭復爲客歎息東流水如何故  
鄉陌重樹始芬苴芳洲轉如積望望荆臺下歸  
臺相思夕荆臺楚人遊觀之所家語楚  
王將遊荆臺司馬子祺諫

寒晚敬和何徵君點

齊書何點字子皙少不仕宋世徵為太子洗  
馬不就隱居東籬門齊高帝受禪褚淵王儉  
為宰相點謂人曰我作齊書已竟贊云淵既  
世族儉亦國華不賴舅氏違卹外家永明元  
年徵中書  
郎終不屈  
王中書融

踈酌候冬序閑琴改秋律如何將暮天復值西

歸日搖落迎軒牖陶淵明歸去來詞 飛鳴亂繩華飛鳴

猿鶴之屬繩算謂以繩為樞編竹為門也 煙灌共深陰灌字亦作攢木叢生也 風

篁兩蕭瑟虛堂無笑語懷君首如疾詩甘心 早

輕北山賦周彥綸隱於鐘山後應詔出為海鹽縣令欲過北山孔稚珪假山靈之意作北山移

文點早年已輕之 晚愛東臯逸晚景以農事自適阮籍奏記云將耕東臯之陽 上德

可潤身老子上德不德禮記德潤身 下澤有徐轡叶韻入声必後漢書馬少游乘

下澤車御款段馬  
注下澤之車短轅

### 別王丞僧孺

南史王僧孺東海剡人也仕齊為晉安郡丞遷尚書左丞兼御史中丞工於詩

首夏實清和餘春蒲郊甸花樹雜為錦月池皎

如練如何如此時別離言與面面一本留雜已

鬱紆留雜別時相遺送物也詩雜佩以贈之行舟亦遥行非君不見

思所悲思不見

### 學古貽王中書

范通直雲

學古猶擬古也雲字彥龍武興人仕齊為通直郎按文選已收此篇諸家注甚詳編

者欲收王融報章故并錄此篇以見贈答往來之意

攝官青璫闥

省中門畫為青璫文故謂之青璫闥雲為通直郎得出入省闥故云攝官

攝謙辭言非正也

遥望鳳凰池

晉中興書曰荀勗徙中書監為尚書令人賀之乃發

志曰奪我鳳凰池卿諸人何賀我邪

誰言相去遠脉脉阻光

儀

相去雖邇相見實踈

岱山饒靈異沂水富英奇

齊書王融琅邪

臨沂人岱山秦岳也屬琅琊郡境山川孕秀故產俊傑

獨翻凌北海翻飛出

南皮

舊注皆云徐幹居北海吳質游南皮言

遭逢

聖明后來棲桐樹枝竹花何莫莫桐葉何離離

鄭氏詩箋鳳凰非梧桐不棲非竹實不食以喻賢者不苟就也

可栖復可食此外亦

何為

位穹祿厚尚復何求當知止足

豈如鷦鷯者一粒有餘貲

舊注

謂雲以鷦鷯自况愚按莊子鷦鷯巢林不過一枝張華賦申其意曰每食不過數粒盖喻隱逸知足之士也雲

與融同列恐不得以此自况

# 雜體報范通直

王中書日融

齊書王融祖僧達中書令曾高並台輔融自恃人地三十內望為公輔直中書省夜嘆曰鄧禹笑人彥龍貽詩蓋示規儆融嗜進欲速當齊武帝疾篤謀立竟陵王子良不克於獄中賜死

# 和璧荆山下隨珠漢水濱

史記趙王得和氏璧秦願以十五城易之璧蓋

卞和得於荆山之下者搜神記隨侯見大蛇傷救而治之蛇銜珠以報徑寸而夜光隨侯漢中國姬姓諸侯也希世

之珠以喻間生賢材無覆自昔代有美今為隣二子

荆山漢水皆楚地俊自負且其生同時古語三楚多秀士江上復才人

史記注孟康曰舊名江陵為南楚吳為東楚彭城為西楚南郡屬荆州居江之上游指彥龍所生地

緯綃非善賈聖德可名臣

左思吳都賦泉室潛藏而卷綃張華博物志鮫

人從水中出向人家寄住積日賣綃言才智之士積德累譽如織綃然由尺寸以成端疋亦非善賈待時者論

語求善賈而沽諸惟遇聖德之君則人臣可名於世

追飛且學步

謙詞以荅獨翻飛之句

共子奉清塵

宮殿深靖故曰清塵

紫庭風日好青槐枝葉

新

帝王之居象北極紫微宮故曰紫庭面植三槐三公位焉

徘徊吹樓側

麗譙樓也欲

見心所親

指彥龍

樹君蘭蕙草何用以書紳

樹未詳音

義融集作徵二證也蘭蕙香草以喻貽贈之詩身當佩服不待書紳

沈右率座賦三物為詠

慢

帷幕之類拾遺記周穆王有鸞章錦慢

謝文學眺

幸得與君

眺集珠

綴幕歷君之楹月映不辭卷風



來輒自輕每聚金鑪氣時駐玉琴聲但願置樽

酒蘭釭當夜明

琵琶

釋名琵琶本起于胡中馬上所鼓

王中書融

抱月如可明

琵琶之形似月

懷風殊復清絲中傳意緒

花裏寄春情掩抑有奇態悽鏘多好聲芳袖幸

時拂龍門空自生

枚乘七發龍門之桐其根半死半生詩言桐生龍門不若栽為樂器

得親佳人

箏

隋書音樂志箏長尺四寸八孔蘇成公所作也

沈右軍約

江南簫管地妙響自發孫枝

丹陽記江寧南有慈姥山積石臨江生簫管竹

俗呼為鼓吹山詩言江南之地產竹多良可為樂器孫枝又其特異者也周禮孫竹之管鄭玄注孫竹竹枝根

之末生也殷勤寄玉指含情舉復垂雕梁再三繞輕

塵四五移漢初虞公善歌聲動梁塵楚莊有鳴琴曰繞梁言其聲之繚亮也竹音亦宜然曲

中有深意丹心君詎知

### 奉和月下

雕雲度綺錢雕雲猶彩雲綺錢壁帶也西都賦金鉉街壁是為列錢注謂壁中之橫帶也行

列似錢香風入珠網乙網絡也漢書武帝造甲乙之帳絡以隨珠和璧獨知此

夜月依遲慕神賞此詩當是和人直宿禁省中所作

### 奉和秋夜長

秋夜長夜長樂未央詩夜如何其夜未央舞袖拂花燭歌聲

繞鳳梁列子韓娥過雍門鬻歌假食既去餘響繞梁三日不絕

四色詠

此體盛於齊梁間范雲有擬古四色詩云丹如桓公廟青如夕郎門黑如南巖嘯白如來山猿徒取其色意義頗短與此詩相類又有分為四首四句詠一色者

赤如城霞起

孫綽遊天台賦赤城霞起以標建李善注引會稽記曰赤城山名色皆赤狀似

雲霞青如松霧徹

東方木於色為青玉策記云千歲松柏望如偃蓋其中有物如青羊青牛

黑如幽都雲

堯典朔方曰幽都北方色為黑淮南子西北方曰幽都之門九入極之雲是雨

天白如瑤池雪

穆天子傳天子與西王母宴于瑤池遊黃臺之丘北風雨雪

奉和織織

古兩頭織織詩兩頭織織月初生半白半黑眼中精膈膈膊膊雞初鳴磊磊落落向曙星

兩頭織織綺上紋半白半黑鷓鴣翔羣

孔叢子烏白項而群

飛者謂之燕  
鳥白脰鳥也  
膈膈膊膊鳥迷  
燠磊磊落落石分

老子云不欲碌  
如玉落如石

### 奉和代徐 二首

魏徐幹室思詩曰自君之出矣明鏡開不治  
思君如流水何有窮已時宋孝武擬室思詩  
曰自君之出矣金翠闇無精思君如日月迴  
還晝夜生詩人以夫婦比君目梁宋間多恻

其體二詩  
當云擬徐

自君之出矣芳蕝絕瑤卮  
蕝音叙廣韻醕美酒也  
本亦作蕝詩釀酒有蕝

思君如形影寢興未曾離

自君之出矣金爐香不然思君如明燭中宵空

自煎  
莊子膏火  
自煎也

詠梧桐

騫鳳影層枝

鳳非梧桐不棲

輕虹鏡展綠

雨過日出虹影映照二句形容

物之生意

豈斲龍門幽直慕瑤池曲

龍門之山梧桐所生瑤池之曲琴瑟

所奏斲壞也都故反言不慕榮貴賦賊本然之性與前琵琶詩意相反益隨物賦詠也

詠池上梨花

王中書

舊本不載王中書詩今添入

翻堦沒細草集水間踈萍芳春照流雪深夕暎

繁星

和

劉中書

露庭晚翻積風閨夜入多縈藜似亂蝶拂燭狀

聯蛾

# 阻雪連句遙贈和

勸集載同詠七人各賦絕句音韻相叶而不相犯意亦往來酬答題以聯句蓋宋齊間體也至唐則有人詠一韻兩句周而復始合成長篇者舊本止載江革王勣二首姓名又差今添入倡首謝朓殿後沈約二絕足成聯句一篇外有王蘭謝旻謝緩三首詞意不相殊載絕弗

積雪皓陰池北風鳴細枝九達密如繡何異遠

別離 謝朓 本相密迹以阻雪踈闊

風庭舞流霰水池結文澌 霰凍雨也詩相彼雨雪先集維霰澌薄冰也初

結遇風飲春雖以燠欽賢紛若馳 江革 公孫弘 有欽賢

館南史革字休映濟陽考城人竟陵王引為西邸學士弱冠舉南徐州秀才歷官八府長吏三為二千石

珠靈條間響玉雷閣下垂

靈音英雪霰也玉雷簷間冰柱也閣與簷同

酒不相接寸心良共知

王勣陶淵明詩未言心相解不在接極酒

初昕逸翮舉日具駑馬疲幽山有桂樹劉安招

樹叢生兮山之幽

歲暮空參差

沈約

木蘭詩

舊注云不知名浙江西道觀察使兼御史中丞韋元甫聞續附入

眉山蘇氏曰讀烈女傳蔡琰二詩其詞明白感慨頗類世所傳木蘭詩東京無此格也建安七子猶含養圭角不盡發見况伯諧女乎

蓋後人擬作而范曄荒淺遂載之本傳可以一笑也按此詩直述無含蓄意又在悲憤二

詩之下然代父戍邊十二年人不知其為女

若木蘭者亦壯而廉矣使載之烈女傳緹縈

曹娥將遜之蔡琰當低頭愧汗不敢與比肩矣杜牧有題木蘭廟詩云彎弓征戰作男兒夢裏曾經與畫眉幾度思歸還把酒拂雲堆上祝明妃



促織何唧唧木蘭當戶織不聞機杼聲唯聞  
女歎息問女何所思問女何所憶女亦無所思  
女亦無所憶昨夜見軍帖可汗大點兵軍書十  
二卷卷卷有耶名

耶以遮切今作  
爺俗呼父爲爺

阿耶無大兒木

蘭無長兄願爲市鞍馬從此替耶征東市買駿

馬西市買鞍韉南市買轡頭北市買長鞭旦辭

耶孃去暮宿黃河邊不聞耶孃喚女聲但聞黃

河流水鳴濺濺旦辭黃河去暮宿黑山頭不聞

耶孃喚女聲但聞燕山胡騎聲啾啾萬里赴戎

機關山度若飛朔氣傳金柝寒光照鐵衣將軍

百戰死壯士十年歸歸來見天子天子坐明堂

策勲十二轉賞賜

一作賜物

百千強可汗

唐時蕃夷稱天子爲

天可汗

問所欲木蘭不用尚書郎

樂府作欲與木蘭賞不願尚書郎

願馳千里足送兒還故鄉耶孃聞女來出郭相

扶將阿姊聞妹來當戶理紅粧小弟聞姊來

磨刀霍霍向猪羊開我東閤門坐我西間

床脫我戰時袍着我舊時裳當牕理雲鬢

挂鏡帖花黃出門看火伴火伴皆驚忙同

行十二年不知木蘭是女郎雄兔脚撲握

一作朔

雌兔眼彌

一作迷

離覆

一作兩

兔傍地走安

一作焉

能辨我是雄雌作詩者以兔爲雌  
詩誰知烏之雌爲雄

古文苑卷第九